

BIA '70 OCT 1 1965

PL	Kemal, Namik
248	Kāra belā
K45K6	.
1908	

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

کلیاتِ حکایت
Ke. al, Namuk

برخی ترتیب

۲

قائدهٔ تسلات

فاجعه

بش فصل

۱۲۹۲ - سنهٔ سنده « ماغوسه » مناسنده یازلشدر .



استانبول

محمودیه مطبعه
۱۳۲۶

اشخاص وقعه

شاه هندستان پادشاه لرندن
 نور جهان شاهك همشیره سی
 بهره ور بانو شاهك کریمه سی
 مهردل بهره ور سلطانك دایه سی
 میرزا خسرو وزیرزاده و سردار
 اخشید بهره ورك خدمتته مامور زنجی لاله شاه



PL
 248
 K45 K6
 1908

BRAR

//)

899067



برنجی فصل

پردہ آچیلنجہ ہند آغاچ وچیکار بلہ مزین باغچہ کورینور۔ باغچہ نک
برطرفندہ شمسہ آلتندہ بہرہ ور ایلہ مہر دل اوطور لرر۔ او برطرفندہ
خسرو میرزا بر آغاچ التندہ اوپور کورینور۔ ایکی طرفہ نظارت
ایدہ بلہ جک بر کوشہ دہ برقاج خادم آغاسی ایلہ ناظر حرم امیراخشید
ہ اولنور۔

برنجی مجلس

بہرہ ور - مہر دل

مہر دل

افندی پک محزون کوریورم دمیندن بری نیچون الیکزی
یوزیکزہ اورترده کدرلی کدرلی دوشنورسکز؟ او پارلاق
جمالکزی بہار بلوطنہ طوتلش کونش کی ہم آغلایچی ہمده
آغلادیچی بر حالده کوردکجہ یورہ کم پارہ لنیور۔

بہرہ ور

دایہ جغم، برشیم یوق آہ !

مہر دل

ہیج برشیئکزی یوقده یالکزی کوکاکزده بو آغلرمی وار؟

سلطانم کبی بر پادشاه کریمه سنک ، بر ملت نور دیده سنک
هیچ بر کدری یوق ایکن طور و بطور و بده بر قاچ دفعه ده بر کره
ایچنی چکدیکنه نه معنا ویره می ؟

بهره ور

دایه جغم ! باشم آغریور (کدی کندینه) ایچم
صیقلیور . . . یارنی نه مشکل ایش سویلسهم بر بلا
سویلسهم باشقه بر اذیت . . .

مهر دل ، متجاهلانه .

شمدی چلدره جغم ، الله عشقنه دردکنز نه در ؟

بهره ور ، حدت وانفعال ایله .

دایه ، سن ذاتا چلدره مشسک ! ایشته هیچ بر شیم یوق ،
براز باشم آغریور دیدم یا ! آرده بر لقردی چیقاره جقسک ؟
بوکون کویا اکلنمه کلام ایچمه زهر ایتدک . . . (کیت کیده سسی
تیره بهرک) هیچ بر بلا علننده اکلنجه می اولور ! . . .
(خفیف خفیف آغلا یهرق) هیچ سزک الیکزه دوشن آدم ،
یوزنده شبنم قدر کوزیاشی بولمینجه - برکاک مدت حیاتی قدر
اولسون - کولمکه ، آچیاغنه قدرتمی بولور ؟

مهر دل

بن سزک نه یه مراق ایتدیککیزی آکلادم ، فقط بندن
نیچون صاقلادیغکیزی آکلایه میورم .

بهره‌ور ، حدتی استهزا ایله ستره چالیشه‌رق .

نه آکلادکز باقهلم ؟ هیچ اولمدق بر شی آکلام‌قده غالباً
یکی چقمه بر کرامت اوله‌جق ! والله تخف شیئی ! (کیتدجه
استهزا-نی تشدید ایدرک) دایه‌جغم ، طورسکا سویلیه‌یم: اما خاطرك
قلز آ ، بنم عجایب بر دردم وار ، لکن بیلم نه‌دندر ؟ ابن
سینا بیه‌کتابنه یازمامش ! سن حکیم اولورده شونی بر کشف
ایده‌بیلرسه‌ک آرتق پادشاه بابامه سویلرم ، سنی باقهلم وزیرمی
ایدر ؟ نه یاپار ؟ اوراسنی کندیمی بیلیر .

مهردل ، کندیمی طوبلایه‌رق .

بن خرسز آتی آرقه‌سنده ، اسیرجی قرباجی آلتنده ازیله‌ازیله
بیومش بر بیچاره خلائق ایکن جناب حق سزک وجودکزه
مسرور ایتدیکی زمان بر پادشاهک کوزببکنی قوچاغنده بیومک
دولته نائل اولدیغم ایچون شمدی سایه‌کزده اسیرلر قوللانیورم .
خان زاده‌لر قدر اعتبار کورییورم ، بر جاریه پارچه‌می ایکن
سلطان یاننده اوطورییورم ، پادشاه التفاتنه نائل اولیورم ! . . .

بهره‌ور . لغردیمی کسه‌رک .

دایه حوص ! بنی طوروب طوررکن اوزون اوزادی
لقردیلرکله سنی خسته ایده‌جکسک ؟

مهردل

دکل افندم ! لقردیماک نه‌زه‌یه وارده‌جغنی بیلدی‌کزده آنکچون
جانکز ضیقیلیور . لکن نه یاپه‌یه ؟ ینه سویلیه‌جکم ، مجبورده

آنکچون سویلیه جکم ! بن اوقدر نعمتک ؛ اوقدر دولتک
مقابله سزه خیانتی ایدیم ؟ سزی بو حالده کوردوده
صوصهیم می ؟ پادشاه خدمتندیم ؛ حیاتم پدرکزک دوداقلرنده
طوریور ! بر نفس آلسه بر لقردی سویله محو اولور کیدر .

بهره ور ، کیتدکجه سکونت واسنه زاسنی

تزیید ایله قهقهه لر دن صکره .

آ . . . دایه م چلدیردی . بیچاره قادی ن ! آمان شوراده یاتان
آدم بلکه حکیمدر . حاضر یانمزده . . . چابوق یتشمش اولور .
مهر دل ، کمال جد واهمیتله .

سلطانجیم .. سلطانجیم !. ایشته سنک کوکلیکی او حکیم ظن
ایتدیکک دلی قانلی زهرلیور ایشته ...

مهر دل ، لقردیسی کسهرک .

دایه .. نه سویلیورسک ، سن کرچکدنمی چلدیردک ؟

مهر دل ، هیچ لقردیسی دیکله مبرک .

ایشته باشمزه کلن بلالرک ، کله جک قضا لک هپسنه سبب اودرا
هرکون صباحدن آقشامه قدر اوچلدیرمش کبی کوشکککزک
آلتنده طولاشیور ؛ سزده صباحدن آقشامه قدر یایشمش کبی
نخبره نک اوکنده اوطوریورسکز ! ... نزهیه کیتسهک ، یا اوده
موجود بولنیور ؛ یا سزده بر قاچ دقیقه نک ایچنده قاجیورسکز .
بهره ور ، حیرتله .

افتراجییه باقی ! هیچ تصادفی دوشونورمی ؟

مهردل

بویله هرکون کورینن برحالده تصادفی دوشونمک دکل ،
تصادف بهانه سنی سزک دوشونوبده بوالدیغکنزه بیله تعجب
ایدرم . . . سلطانجیم ! بن سنک کرچکدن بر صادق جاریه که ؛
دنیا ده نه کورد مسه سنک یوزکدن کوردم ، دنیا ده سندن بشقه
سوه جک بر شیم یوق ! سوزیمی جان قولاغیله دیکله : سزک کبی
بیوکلره هوس یاقشاز . . . پادشاه پدرک سکا مناسب کیم ایه
آنی بولور . کیم بیلیر سنک نکاحکده قاچ درلوفاندده دوشونمشدر .

بهره ور ، نهایت درجه ده تلاش ایله .

دایه صوص ، والله بشقه سته وارمام !

مهردل

کوردیکنیمی . . بن سزده سویورسکنز دیمدمی ؟

بهره ور

ایشته سویورم ؛ بابامندن ده ، جاندندن ده زیاده سویورم . . .
کوکلیک بر طولغونلق زمانه راست کتیردک ؛ سریمی آغزمدن
قاپدک ! نه قزانداک باقهیم ؟

مهردل

جاریه کنز برشی قزانمدم ؛ فقط سلطانم پک چوقشی
قزانداکنز . حقیقت حالی سویلیه جکم ؛ هم هرکون سویلیه جکم ، هم
هر ساعت سویلیه جکم ! ظن ایدرم که سزده دائما دکیه جکسکنزده

مطلوب كنز حاصل اولسي پك قولاي برشي اولمديغني آكلايه جقسكنز ؛
او هوسدن واز كچمكه چاليشه جقسكنز .

بهره ور ، نتره يرك .

دايه اينسته م ، بكا اويله لقرديار سويله ! يوركك طاشد نيمدر ،
نهدر ؟ هم سريمي بيلور ، هم حالمى كوريورده ينه باق نهلر
سويلور ...

مهردل

اكر بوسوزلر مه مساعده بيور من ايسه كنز پادشاه پدر كنز ...

بهره ور . باييلمق درجه سنده غابت حزين

وقفط سرت بر سسله .

صوص ، شوم آغزلى ! باق مزار طاشى كبي باشمك اوچنه
ديكلدى ؛ بنى اولو قيافته كتيردى !
[بهره ور باييلير . مهردل پك زياده تلاش ايله آلتنه ، يوزينه ،
كوزينه صو سرچمكه باشلار .]

بهره ور ، بايغن برحاله .

خسرو ، خسرو ! الله سنى بكا نصيب ايتمه جكمى ؟

مهردل

بايغينلنى ده اويقوسنه بكنزه يور ! ينه ديلنده خسرو دن بشقه
بر سوز يوق ! بنده كرچكدن نه طاش يوركلى ايشم ، بو قدر
سوديكنى كيم بيليردى ؟ زواللى قزغز ، بو قدر دولتلر ،
سلطنتار آره سنده ايكن چكديكى كوكل عذابلر ينه باق ! ...
شمدي بن نه ياهيم ؟ آمان الله كوسترمسون ، آنى جنازه ،

کندی کرچاکن باشی اوجنده مزار طاشی ظن ایدیورم .
 « باغیره رق » لا لا !

ایکنجی مجلس

بهره ور — مهردل — اخشید

—
 اخشید ، شمشیه مک یانه کلهرک .

نه وار دایه ؟

مهردل

نه اوله جق ؟ حالنی کورمیورمیسک ؟ بر کره باقسهک آ ،
 اولودن هیچ فرقی قالمشی ؟ . . .

اخشید ، بردن بره تلاش ایله دایهک یانه یاقلاشیر .

بالله سنی بر قلیچده ایکی یارچه ایدرم ! بوکا نه اولدی ؟ بوکا
 نه یاپدک ؟ شمدی سویلیه جکسک ! . . . شمدی ! یوقسه جهنم
 زبانیلرینک الدن قورتیله بیلرسک ، ینه نیم المدن قورتیله مازسک !
 انسان ولی نعمتنه بویله می خدمت ایدر ؟ سنی صاچکدن سوروکله یه
 سوروکله یه پادشاهک حنورینه کتوره جکمه ده او یله کبرده جکم !
 شمدی سببنی سویله دیورم !

مهردل

لا لا ! بن سببنی نره دن بیله میم ؟ حکیم دکلم یا ! کیسه زلندی ...
 نه یاهیم ؟ بنم نه قباحتم وار ؟

اخشید

شو ملعونه باق ! لقر دیلری آغزنندن پارچه پارچه دوکیلیور .
جگری پارچه له میچه ! بی آلداده جق . بر قادینک یالاننه
قاییه جغم او یله می ؟ بوکا برشی اولدی دییورم ؛ سینی صوریورم .
لقردی آ کلامیور میسک ؟ یوقسه اجلکه می عاشق اولدک ؟
(بردن بره تزید حدتله بلنده کی خنچری چکه رک ومهر دلک
کوکس نه طایارق)

آه کافر ! مطلق سن بونی زهرلدک .

مهر دل ، کندینی زورنه عربک الندن فوتاره رق .

زهرلدمی ؟ آغزک قیانسون ! زبانی صوراتلی فلاح ! آنک
برکون راحت یشامسیچون بن بر ییلاق عمر می ویریم
بیلمز میسک ؟ سنک کوکلک ده مکر صورتک کی قاره ایمش ،
بن نه یاییم ؟ . . . چوچوغک قلبنه ده دایه لک ایده مم یا ؟ ایشته
قارشوده اوطورانلری کوردی ؛ مراقلانندی !

اخشید

نه دیمک ؟

مهر دل

قهر اول ! ایشته اونی دیدم ! . . .

اخشید

بردها سویله باقیم ؟

مهردل

ایشته قهر اول ! نه یاپه جقسک ؟

اخشید

ابتدا کی سویل دیکی بردها سویله ! قارشوده کیلیرنی
کوردی ده مراقلانیدی دیک سویله دیورم ! یوقسه شمدی
قهر اولورسک !

مهردل

بیک قوروسون ! قارشوده کیلیرنی کوردی ده مراقلانیدی !
دها آ کلامادکی ؟ هله باق ! حالا خنچری ده النده طوتیور !
انسان دکل یا . . . جانلی اولوم ! . . . آیاقلی مزار ! . . .
اخشید ، خنچری بلنه کچیریر .

هذیان الویرر ! شمسینه ک اطرافنی قیاده چوجوغنی آیلتمغه
باق . . . بن کلبه یتیشرم !



اوچنجی مجلس

بهره ور — مهردل

(شمسینه ایچنده)

اخشید — خسرو

(میدانده)

اخشید ، متحمکمانه برطرز ایله خروک ایدودنی آغاچک آلتنه
کیدر ، خسرو میرزایی ایدانیدر .
اولوم اویقوسنه می یاتدک ؟

خسرو ، اریقو سرملکيله .

سن نرذن پیدا اولدک ؟ هرکسک اویقوسنه ، اوطوريشنه
قارشمق ایچون الکده فرمانکمی وار ؟

اخشید

اولوم اویقوسنه می یاتدک ؟ یوقسه اولوم اویقوسنه یاتمی
ایستیورسک ؟ قارشوده کی چادزده بری بیایدی ؛ کیمدر
بیلیرمیسک ؟ باباکی عادی بر آدم ایکن وزیر ایدن افندمزک
جگرپاره کریمه سی . . . بیایلمسنه سبب کیمدر ؟ بیلیرسک ، هم
نفسکی بیلیرکی بیلیرسک . شو صادق بنده یه ؛ شو وزیر زاده یه
باق ! دنیاده اوکنه چیقاجق ؛ کزدیکی یرلرده اویو ، جق کیمسه
بوله مادک اولیه می ؟

خسرو

لا لا ! بن سزذن بر وقت بویله بر تکدیر ایشیده جکمی
اوممازدم . عجبا بزم طرفدن حق عالیکنزه رعایتده بر قصورمی
اولدی ؟ یاخود بو معامله کنزه بشقه بر سببی وار ؟ پک اعلا
بیلیرسکنزکه حدینی بیلیر ، تربیه کورمش بر آدم ولی نعمت
زاده سنک کزدیکی یرلرده اویومغه جسارت ایتمز ، اویور
بر آدم کورمکده کیمسه نک بیایلمسنی موجب اولماز . . .

اخشید . کندی کندینه .

دنیاده بنم ایچون قاچیرلمیه جق بر فرصت وار ایسه بودر .
(خسروه خطاباً) میرزا حضرتاری ! بن برعرب مقوله سییم ،

فقط حرکتک، سوزلریمک مناسبته زلکنی آکلایه جق قدر
سرسم دکلم. شوراسنی ده انکار ایده مزسکنز که براز زماندن بری
نامکنز سلطان افندمزک اسمیله پک چوق لسانده؛ پک چوق
حکایه ده، پک چوق محله ده برلشمکه باشلادی. واقعا او بر پادشاه-
زاده ایسه سزده بر وزیر زاده سکنز. الله نصیب ایتدکن صکره
سزدن دها مناسبته کده حک دکلم!

خسرو ، تلاشی تلاشی .

استغفر الله ! بن زہ مقولہ آدم کہ . . .

اخشید ، افرادی-نی که رک .

استغفر الله حاجت یوق ، قدر عالیکزی هرکس بیلیر :
فقط بویه ایشارک وجوده کلسی پادشاهلرک عنایتنه باقر . لقردی
قادرین آغزینه ، دشمن لساننه دوشر ایسه فنا فنا نتیجهلر ویرر .
سرایک تربیه سی ، بیوکلکک حالی معلوم ! پدرکزه ، کندیکزه ،
خصوصیه سلطان افندمز آجییکز . کیمییکزک امکانی یدم ،
کیمییکزک التفاتی کوردم . صکره کوریشیرز ؛ مناسب بر فرصت
ظهور ایدر ایسه الدن کلن خدمتده قصور ایتمز .

خسرو

لا! لطف ایدگز، مساعده پیوز کزده بن کیده۔

اخشد

نچون افندم ، تعجز می ایتدك ؟

خبرو

خير بر طرفدن ووقعه نك ، بر طرفدن ده سوزلر كزك تاثيريله

کو کلم او قدر طولدی که یا آغلیه جغم ، یا بایله جغم ، یا خود تربیه یه
مخالف بر حرکت ایده جگم .

اخشید ، کولسیه رک .

تشریف بیورکز افندم . ضرری یوق کنجلاک عالمنده

انسانک باشنه هر حال کلیر ؛ هر حالک بر چاره سی بولنور . . .

[خسرو میرزا حیران حیران اخشیدک یوزینه باق رفی وداع
ایدر چیقار .]

دردنجی مجلس

بهره ور - مهردل (چارده) - اخشید (میدانده)

اخشید ، کندی کندینه .

ای شمدی فنا می ایتمشده ، اسکی افندمک یاننده قزانديغ
پاره لری اسیر جیاره یدیرمشم اون سنه اسیر لکک بیک درلو
مشقتنی یوزبیک درلو عذابنی چکوبده بلادن قور تولدقدن صکره
آزاد کاغدی یرتمشم ؛ شو سرايه یلاندن خادم آغالنی ایله صاتلشم !
بن او باره نی صرف ایتمسه ایدم ، خادم آغلق نامنی فصل قزانیردم ؛
بن تکرار اختیار اسارت ایتمسه ایدم بو ملک خدمتنده فصل
بولنوردم ؛ کوکل انسانه نه لر یادی ریور . . . اولری حرم
چو چو قلیینه آلدانمقدن قورتیله میان بر عرب ، شمدی محبت
قوتیله بر سرای خلقنی آلدانمغه ، مقتدر اولیور . . . مالک
اوله جغم ! . . البته مالک اوله جغم ! . . او بنم ثروتمک ، حریمک
بدلیدر . شو نازنین میرزایه باق ! بزی کندینک عشقنه ، محبتنه

واسطه ایتک ایستور . کیجه هرکسک واسطه سفاهتی دکلیدریا ؟
یا بزده کیجه به بکزه مزمی ز ؟ بیچاره نه بیلسون که بن کونشی
بر کره قوینه آلدقن صکره بردها کیمسه به کوستیر کیجه لردن
دکلم . اوف بورنک .. بورنک ! یاربئی ، نیچون کوکلی بویه آتش .
وجودمی بویه کورکی یاراتدک ! مالک اوله جغم ؛ البته اوله جغم ...
لکن بنی سومیه جک ! ... کوکلی بنم اولمدقن صکره کندی
بنم اولمش ، همه لازم ... (بردن بره تورابله طورینی دکشیدره رک)
کوکلی بنم اولمازسه وارسون اولسون ! کوکل نه در ؟ بنم رنکمه ده .
بلکه بندن چیرکن برات یارچه سی دکلی ؟ بکا اونوردن یالیش
وجود لازم ؛ بکا اوکل رنکنده دوکلش یناقلر لازم ! ...
سومیه جک ایسه نه اولور ؟ بن آنی سویورم ، الویرمزمی ؟
حقارت ایده جک ایسه حیثیته می طوقور ؟ هانکی حیثیت !
بابامک قاطر بونجقاریله آلدینی حیثیته می کبرایده جکم ؟ علممه می ،
درایمه می ، نجایتمه می ، قیافتمه می ؟ بنده بونلرک هیسج بری یوق .
لکن ینه مالک اوله جغم ، نه صورتله اولور ایسه اولسون ینه مالک
اوله جغم ! ... (آجی آجی کولدرک) عرضنه آجیمیزم ده
جانه می آجیه جغم ؟ او بر کره بنم اولسون ، وصلت یتاغنه نسل
قوجاغنده کوتورر ایسه م راحت دوشه کنده اوله قوجاغنده
کوتوریرم (براز ناملدن صکره) قاره قاره خلیالر ... خائن
تصور لر ... نه بابه می ؟ اوده بنی سوهیدی ! .. (ینه براز ناملدن صکره)
مقصد مزئی آرامغه نه ده عجایب یولدن باشا دق ... رقیمز

واسطہ لقا یتیمی ... مانع دکل . واسطہ کیم ایمش ، مقصد کیمہ یوز
کوسترہ جک ایمش ؛ اور الری زمانندہ معلوم اولور .
[اخشید بولردیلری سـ ویلدیکی صرہ دہ سـ اطاک شمسیہ سی
آچیلور .]

بشنجی مجلس

اولکیلر فقط شمسیہ آچیق

بهره ور

دایہ بکا نه اولدی ؟

مهر دل

برشیئکنزیوق افندم براز او یومشدیکنز ؟

بهره ور ، باغچه نك هر طرفه کوز کزدیرر .

اوتہ کی زرده ؟

مهر دل

بیلمم لاله کنز کیتدی ، باغردی ، چاغردی ؛ قاچردی .

آز قالدی بنی دہ اولدیره جک ایدی ! . . .

[بوضرہ دہ اخشید چادرک قبوسنه کلیر]

بهره ور ، افراط کین وغضبلہ اخشیدک یوزینہ باقورق .

خنزیر عرب ! . . .

پردہ قیانی





ایکینچی فصل

[پرده آچیلنجہ هندکاری بر زمین سرای اوطہ سی کورینور .]

بہرہ ور — مہر دل

بہرہ ور

دایہ میسک ، نہ سک ؟ او کافر فلاح نرمدہ ؟ ہانی او
ادب سزلک ارقداشک ، ہانی او خائٹلک یولداشک ؟ او بوغازینہ
زنجیر لر طاقیلوبدد یوزی اوستنہ سوروکلنہ سوروکلنہ
زبانیر اللہ تسلیم اولنہ جق جہنم قاچغینی ؟ او قارہ کوتوک ...
بن اونی انشاء اللہ آخرتہ براقم یا ، دنیادہ سوروم سوروم
سوروندیررم ! . . . دنیادہ آتشی زنجیر یوقسہ قیزغین تاج
وار ؛ زبانی یوقسہ ، زبانی قیافتیہ جلاد وار . . . جہنم
یوقسہ زندان وار . . . مزار وار ! . . او آنلارک ہپسنی
کورہ جک ؛ ہپسک خیمنہ ، عذابنہ اوغرایہ جق ! آکلاسون کہ
دنیادہ حکمی کین پادشاہ پدریمک « ہرکس کزسون اکلنسون ،
صفا سورسون ، عمریمہ ، دولتمہ دعا ایتسون ! » دیہہ خزینہ لر صرف ،
ایدوبدہ یاپدیردینی باغچہ دن آدم قوغمق نصل اولورمش ، اللدہ
کیمدن امری وار ایمش ؟ بونلری سورہ جقم ، ہپسنی ہپسنی

صوره جغم ده ویره جکی مناسبتر جواباره قهقهه لرله کوله جگم ! ...
 (بردن بره تبدیل طور ایله ایچین ایچین آغلایرق) کوله جگم ؛
 اما آتی کولدی کمندن زیاده آغلاده جغم ! ملعون فلاح ! قاره
 طاشدن پاپش پوت صورتلی خنزیر ! او بنی ذوقدن محروم
 ایتدی ؛ نه طرفه باقسه صورتی کبی قرانلق کوریورم !
 بنی رزیل ایتدی . یالکنز او دکلیا ، سنده آندن قالیر
 خانلردن دکلسک ! اما قباح ینه بنده . هیج او یله عاشقار
 مسیره سنه سنک کبی فرهاد و شیرین جادوسیه کیدیلیرمی ، هیج
 او یله جنت نمونه سنه او فلاح کبی قاره زبانی کوتوریلیرمی ؟
 بن کندم کتوردم . بر ییلدن بری قلبمده ، جانمده ده
 قیمتی جوهر کبی صاقلادیغم سریمی آغزمدن قاپدک . بن توکلی
 شمدی یه قدر کیمسه یه دزدی آچمندن چکنمزدم . مبارک
 باشک بوش مغاره میدر ، نهدر ؟ نه اوله جتی ، ذاتی بدنی یوق که . .
 ایچنه بر لقردی دوشدیمی ، بر دقیقه سورمدن هان اطرافه
 عکس ایدز . باق شو سرای تربیه سی کورمش خانمه ! بیلمم ،
 نه کی بکن . یلرده سنی بکا دایه ایتدیار ؟ ها ... غالباً جاسوس سکده
 نه یابارسم او ته کنه بریکنه خبر ویرمک ایچون سنی یانمه قویمشار .

مهردل

سلطانم ! الله عشقنه مرحمت ایت ! بن سزه عمرمده خیانت
 ایتدم ؛ عمرمده خیانتی دوشنمدم . هیج بر وقت بر اوافق
 ذوقکنز ایچون جانمی فدا ایتمکدن چکنم .

بهر دور

سویله باقهیم . . . آغلا آغلا . . . کوزلری چیقه سی !
 برده شمدی قالدده بو ، ستمک اچون اولورم فلان ، دیهره
 کندیکي نچرهدن آشاغی آتمه چالش . . . بن اینانیرم دکی ؟
 حالا کوزکزده بش آلتی یاشنده چوجوق کی کورینیورم یا !
 [کیدوب خشمه مهردلک ایکی طوتهرق]

سن بکا شونی سویله باقهیم: شرتلک ، مزورلک ، آغلامق .
 صیلامق لازم دکل . بن کندی حالمده اوطوریورم ، کندی
 دردیمی کندم دوشینیورم ؟ عادتاً دردمله اکلنیوردم . باغچهیه
 کیدلم ، شویله کولهلم ، بویله اکلنلم دیهرک بنی کتوردک .
 اوراده شیطان کی طماریمه کیردک ، بیک درلو حیلله ایله
 بنی بوش بولندردک ؟ عادتاً آلداتدک ؛ عالمه رذیل ایتدک ! .
 سیریمی او مرکب قیافتلی عربیه سویلیه جککه ، دسته دسته
 کاغلره یازه ایدک ده دنیایه طاغیده ایدک . بو ایتدیکک خیانتدن
 مرادک نه ایدی ؟ سویله باقهلم ! نسلده قورقنچ باقیور . . .
 خانلکک جزاسی جلاد قیافتنه کیرمشدک کوزینک اوکنه
 کلش کی تیرل تیرل تیره یور . (آجی آجی کوله رک . مهردلک
 الی لندن سلیکوب آتار) نه جنواب ویره جک ؟ دیل طوتلدی .
 خائن ملعونلر ! ایکیکزدده قهر اولک ؛ او عربده سنده . . .
 مادام که ایشی بو درجهیه کتوردیکز ؛ ایشته سویورم ،
 ایشته سوه جکم . عنادکزه ، رعیمکزه اومحبتدن ال چکمیله جکمه .

نه ياپه جقسكنز باقميم ؟ چادرده مناسبتسزجه سويلنه سويلنه بنى
باييلتدك ، شمدى ده ويرلنغه ، باشلارده مومت ، سبب اوله بيلير
ايسه ك آفرين سكا !

مهردل

افندم الويرر . سز بنى اولديرديكنز . باغچهده نه رذالت
اولدى ، كيم نه لقردى سويلدى كه تهوور بيورسيورسكنز ؟ .

بهره ور

دها دون سويلديكى لقردى بنى انكار ايده جكده بنى
آلداده جق . نسل كيمسه برشى ايشتمدى ؟ باغردى ، چاغردى
همده قاچردى ، دين سن دلكى ايدك ؟ او باغردىنى چاغردىنى
وقت هر كسك قولاغى ده سنك عقلاك كى يوقى اولمشيدى ؟
او ، بريكنى قاچردى ايسه هر كسك كوكلى ده سنك خيانتك كى
طاشمى كيسلمش ايدى ؟

مهردل

آكلادم ، آكلادم ولى نعمتم ! خطا ايتشم . بدلاق ،
سرسملاك ايتشم . واه عرب بنى جان قورقوسنه دوشوردى كندن
سويلدم ؛ سزك ايچون برطاقم سوزلر چيقارديه قورقدم ده آنك
ايچون سويلدم . ديلم قورويه ايدى ده سويله ميه ايدم . سويلسم
عرب بنى اولديرردى . كاشكى اولديرسه ايدى ، قورتيلير كيدر دم .
قورتيلهلى ده شمدى يه قدر يكرمى دزت ساعت اولوردى .
شمدى هر دقيقه ده بركره اوليورم . حقك وار افنديجكم ،

بن کر چکدن بدلا ائشم . حیثیتکزی دوشوندمده کوکلکزک
حالی هیچ خاطر مه کلدی .

بهره ور

صوص جانک جیقسون ! ینه طورر طوررده انسانک
کوکلندن بحث ایدر کل بازی یرندن قویار ، بلکه اووقت
راحت ایدرسک !

مهر دل

الله عشقنه بنی غفوایدکز ! سویلدم ، فقط کورلتی چیقمدی .
اوتنه کنه یوزیمه او یله غضبلی غضبلی باقیکیز ؛ اوتنه کنه عربک
نه سویلیدیکنی بیلمیورم شاید کوکلنی قیردیه

بهره ور ، کمال حدتله اهریسنی کهرک .

شمدی اوفلاحی بکا چاغر ، شمدی بن آکا کوستیریم !

[مهر دل کیدر]

~~~~~

## ایکینجی مجلس

بهره ور ، کندی کندینه .

شاید آنک کوکلنی قیردیه . . . . برعرب ، وجودیک، حیاتیک،  
بدانی اسیرجی آوجنده کورم بن بر فلاح ، آنک کوکلنی قیره جق !  
بنم دنیاده آنک کوکلندن بشقه له آله جق بر مرادم اولدین  
دوشنمیه جک ؛ بنم حیاتم ، اکانجهم ، تلذدم ، اقبالم ، املم ،

راحتم بریره طوپلانیویرسده وجود بولق لازم کلسه طبق آنک  
 کوکلی کبی اوله جغنی بيلمیه جکده ینه اونک کوکلی قیره جق،  
 اویله می؟ ینه بن سلطنتمه، دولتمده راحت راحت کوله جکم،  
 اکلنه جکم؛ او محتلیه، بلاسیله محزون محزون آغلايه جق،  
 بایله جق ها! (سجی آجی کولارک) بوکاده سبب بو فلاح! هم  
 شمدي او قاره کوکلی یرندن چیقارمغه، او فطرت سیاهنی  
 چامورلر ایچنده یوارلامغه مقتدر اولدیغ عرب! الله الله انسان  
 نه قدر بیوک اولورایسه او قدر آلچاقارک قهری التنده قالور...  
 کچسون نصیبندن... بن آکا کوستیرم.

### اوجنجی مجلس

بهره‌ور - مهردل - اخشید

بهره‌ور، نهایت درجه ده خشمه.

چنگانه صورتلی عرب!... کله بیلدک اویله می؟

اخشید

بر امریکز می وار افندم؟

بهره‌ور

امریم وار: کبره جکسک؛ اما بنم امرمله اولماز: یقین وقتده  
 پادشاه بابامه سویارم، او امر ایدر، سن امرینه قائل اولسه کده

اولماسه كده كبردير لر . نانكور خنزیر ، ولی نعمت خائی  
كوپك ! . . .

اخشید ، لمر دینی كسرك .

فصل خیانت افندم ، عجا صداقتمی بیورمق ایستمشدیکز ؛  
بوقدر زماندر خدمت هایونکزده نه خیانتی کوردکز ؛ نه وقت  
برفرمانکزه مخالفت ایتم ؛ نه سویلدم ، نه یاپدم ؛ احسان  
بیورکز ، صادقارک دشمنی چوق اولور . چونکه هیچ برخائ  
برصادق چکه مز . دنیاده خائ نه قدر چوق ایسه صادق اوتدر  
آزدر . ظن ایدرم که افندمزه عامهمده لقردیله سویلنلمش .  
[ دایه به باهرق ] سویلنلری بيلمكده کوچ برشی دكل !..

بهره ور

عرب ! بن سكا دولتن اقبالدن بحث ایتیمورم ؛ كندی  
حالی سویلیورم .

اخشید

بزم دولتمز ، اقبالمز افندمرك حالیدر . امر بیورك آرقه مدن  
لقردی سویلین هرکیمسه میدانه چیقسون ، سویلدکلرینی یوزیه  
قارشو سویلسون . اوزمان خیانت ، صداقت بللی اولور .

بهره ور

دون باغچه ده برابر دکلیدك؟ سن کورولتولر چیقارم دکی ،  
نم ایچون اوته كنی بریكنی تعجیز ایتمدکی ؟ سویله باقیه ! . .

اخشید ، کال تمکین ابله .

او یالانلاری افندمزه کیم سویلدی ؟ بو انسان حالدر : بر دشمن غرضنه نائل اولق ایچون نه ایستر ایسه سویلیه بیلیر . پادشاهر کیمسه یی سویلتمدجه اولدیرمز لر . مراد هایونکیز نی تلف ایتمکسه شانکزه لایق اولان برکرده نی سویلتمکدر . سویلتمک ایستمز ایسه کز ، اوراسی ینه افندمزک بیهجکی شی .

بهره ور

باق شو فلاحه ! اوده نی آلداتمه چالیشیور . خلایقلر الویر میورمش کبی برده عرب کوله لرك النده قالیم . . . انسان قیافتنه کیرمش قارنجه ، نه ارکک نه دیشی حیوان ! ایشه . . . [ دایه یی کوستردک ] ایشه بوسویلیور ، ایتدیك ادبسلرکلری هپ بوسویلدی .

اخشید ، جملی بر حدت کوستردک .

ولی نعمت ! کیم سویلر ایسه سویلسون . پادشاه پدرکز صداقتی آکلادی . کوز بیکنک اطرافنده کی حقه کبی کندی . کوزیکک بیکي اولان سلطانمک محافظه سی خدمته بنده کزی تعیین ایتدی . قولکیز پادشاه بنده سی ، سلطان لالاسی یم . دنیاده برشی دوشنم ؛ خدمت دولتکزدن آریله جغمه تأسف ایدرم ، هم ده اولنجه یه قدر تأسف ایدرم . بیوردیغکز کبی اوایه نه ارکک نه دیشی حیوان دکلم ، عادتاً مرد بر انسان قولکیزم ! مادام که حقمده لقردی سویلین دایه ایمش ؛ فرمان

بیورک زده حضور کزده محاکمه اولهلم . حتمده کیم اویله شیار  
سویلیورسه پادشاه غضبیه اوغراسون . . .

### بهره ور

حیوان فلاح ! ایشته دایه بوراده . ایشته سویلیور ، هم  
نه دیور بیلیمیسک ؟ دیکلهده ایتدیکک ادبزلککری بر بر  
سویلیهیم . بنم دون صفرام غلبه ایتدی ، بایلدم . سن خنچر  
چکممشک ، آوازک چیقدیغی قدر باغیرمشسک . باغچهده  
اولاناری تعجیز ایتمشسک ، قاچرمشسک ! صانکه بن اوراده  
اویویان بر آدمک یوزینی کورمش ده بایلمشم ! ولوکه اویله  
اولسون ، خنذیر فلاح ! بنم آیلدیغمی ، بایلدیغمی او صور  
اسرافیل دهشتلی سسک ایله ، او عزرائیل قلیجیه بکزر  
خنچرکله دنیایه اعلان ایدیشک بنی رذیل ایتک دکلدردنه در ؟  
اویویان آدم سنک نه که لازم ؟ اویقوسنی سنک کوزلرکدغمی  
چالیدی ؟ بن بایلمشم سنک نه وظیفهک ؟ آنک یاتیشنه تقلید  
ایتمک ایچونغمی یاپدک ؟ بنی سرایده کی جاریه لرکی می طوته جقسک ؟  
بن سلطان دگلیمیم ؟ بنم یانمه کیم اوغرایه بیلیر ؟ پادشاهمزک ،  
ولی نعمتمزک ناموسنه طوقونه بیله جک ادبسر کیمدر باقهیم ؟

اخشید ، هیچ تمکینی بوزمه رق .

دایه خانم ! بو یالاناری سر سویلیدیگز ، بو فتنه لری سر  
چیقاردکز ، اویله می ؛ نیچون گوشه ، چکلمش ده طور یورسکز ؟  
میدانه بیورک باقهلم ، ولی نعمتمز بزی محاکمه ایده جک .

### مهردل

فتنه دیدیکک نه اولور ؟ سندن قورقدم ده آنکچون می  
بورایه چکلم ظن ایدیورسک؟ سن عقلکه کلنی سویلیکک باشلادک.  
عقلک ده قالمش که عقلکه کلنی سویلیه جکسک .

### اخشید

ظنم سن عقلکی غائب ایتمشسک که ولی نعمتمزک حضورنده  
وقوع بولیان شیاری سویلیورسک. اللهدن قورقاز! بندن نه  
کوتولک کوریورسک که تلفمه قالمشسک ؟ آرقداشلق حق بویله می  
اولور ؟ انسانیت بومیدر ؟ بن نه وقت باغردم ، چاغردم ؟  
باغچه ده کیمی تعجیز ایتدم ؟

### مهردل

جبلیتمز عرب ! خنچرله بنم اوزریه یوریمدکی ؟ آنی ،  
اوته کنی ، هانی شو اویویان آدمی تعجیز ایتدکی ؟ الله بلا کی  
ویرسون ! یادقلرینه باقیورده برده انسانی یالانجی چیقارمغه  
چالیشور !

### اخشید

ولی نعمتم ! قادینلرک پک چوق شیئه عقلی ایرمز. افندمز  
کوره دکل ؛ تربیه کورمه مش قادینلرک عقلی بر شیئه ایرمز .  
بند کز دایه کزک اوزرینه خنچرله هجوم ایتدم . افندمزی  
بایلمش کوردیکم زمان بش دقیقه اول برشینکز یوق ایدی .  
نصل هجوم ایتم ؟ عقلم باشمده می قالیر؟ ولی نعمتمی اولوم حالنده

کوریرم ده دایه کزندن فصل شېهه لئم؟ باقکوز شېهه مده حتم  
یوقی ایش؟ بر کره اوزرینه وارر وارماز کویا مشهور بر  
حکیم ایش کبی خسته لغه شو قارشوده یاتان آدم سبب اولدی،  
دیه باشندن بیوک بر هذیان سویلیدی.

مهردل

خان عرب!

اخشید

بنده کزده بو بدلانک لقر دیسنه ایناندم، اوراده یاتان کیم  
بیلیر فصل ادبسن برشیدر، دیه یاننه کتدم، او یاندردم؛ باقدم که  
میرزا خسرو ایش کندینک تربیه سی معلوم. باغچه یه تشریف  
بیوره جغکزی بیلیمه اوکندن بیله کچمیه جگنی هرکس بیلیر.  
بیانغی او یاندر دیغمه نادم اولدم.

بهره ور

کوردکی دایه! ایشدکی حیوان!..

اخشید، متأملانه بر حال ایله.

دایه کزک سوزندن بشقه بشقه معنارده آکلاشیلردی. خسرو  
میرزانی او یاندر دیغم زمان هپ آنلری دوشوندم. صکره کندی  
کندیمه دیدم که: او بر پادشاه زاده، بو بر وزیر زاده... .

بهره ور

ای صکره؟..

اخشید، بتون بتون طورینی دیکشیدر دک.

او یاندر دیغم ایچون اعتذار ایتدم. فقط کندیمی ذات

هياونكزك اوراده بولنديگنزي ايشيدنجه بر درلو طورهمدى .  
اوقدر تكليف ايتدم ، يارم دقيقه اوطورمق ايستمدى . چوق  
تربيهلى ميرزا . الله پادشاهمزه باغشلاسون ! انشاءالله سايه دولتكزده  
پدرندن بيوك اولور .

بهره ور

اي آكلادم . سن ، پادشاه زاده ، او بر وزير زاده ديوردك .  
صانكه نه ديمك ايسترسك ؟

مهر دل

نه ديمك ايستيه جك ؟ سزى بابا كزك اوشاغنك اوغلنه لايق  
كور ييور !

بهره ور

صوص ، جادى ! سسك قيصلسون .

اخشيد

افندم حدت بيورميكز . او جاريه اوله رق صاتاش دكلى ؟  
افندمزه ايستديككز آدمى لايق كورمز ؛ كندى كچي صاتيلىق ،  
جاريه صورتنده برينك قوينه ويرديرمك ايستر !

مهر دل

مزور فلاح !

بهره ور

صوصك ! آدم كليور . . .



مهردل

کور اوله سی فلاح.... بنی کور اولنجه یه قدر آغلاده جق .

بهره ور

آدم کلیور. دیورم، جهنم اولک شورادن ایکیکنزده ... الله  
بلا کزی ویرسون ! . . .

[ کتدکجه آیاق سسی یافلاشیر. اخشید سرعت ووقارایله کیدر .  
مهردل کوزلرینی سیاهرک و حزین حزین سلطاک یوزینه باقرق قپوه  
یافلاشیر . ]

## دردنجی مجلس

بهره ور — مهردل — نورجهان

مهردل

حاله کنز کلیور .

بهره ور

ای نه یاپیم ؟ بن بورادن جهنم اولده کیم کلبر ایسه  
کلسون .


مهردل

آه سلطان جنم ! باه عربک خنچری ، جکرمه صاپلانان  
لقدیلریکنز قدر تأثیر ایتمزدی .

[ مهردل چیقار ]

بهره‌ور

خاله‌مک بوراده نه اینی وار ؟ عجبا اوده برشیمی ایشندی ؟  
یاربی یاربی ! بو حیوان خدمتجیلارک الندن بنی سن خلاص ایت .



### باشنجی مجلس

نور جهان — بهره‌ور



بهره‌ور ، نور جهانک انکینه قوشدرق .

تشریف‌کنز ، تلطف‌کنز ایچون اولاشکر می ایدیم ، یوقسه  
تعجبی کوستردیم ؟ بیاهم . تعجب لقردیسنه باقوبده عنایت‌کنزده  
بره مقصد تصور ایدیورم ظن بیوره‌یکنز . جاریه‌کنز بوقدر انتفات  
لایق دکلده ، مرحمت‌کنزک تا بو درجه‌لره قدر بیوک اولدیغنی  
شمدی‌یه قدر درک ایده‌مدیکمه تعجب ایدیورم . چوجوق  
قصوریدر ، البته عفو بیوریاور .

نور جهان

فردوسی‌یه شاعرلر سلطانلر دینلر ، سزدهده سلطانلر شاعری  
دیسهر خیالات آره‌سنده بر طوغری سوز دعا سویلش اولورلر  
قیزم ! الله خاندانمزه باغشلاسون ، وجود‌کنزله هیمز افتخار  
ایدیورز . بو ظرافت‌کله ، بو ذکاوت‌کله اجداد عظامزدن کان  
قادینلره دکل ، ارککلره بیاه فاتق اوله‌جقسک ! اللهم ! سکا  
بیاک شکرلر اولسون : بزم بر قاچ کون اول یکی یتشمش غنجه‌کی

باشمزه طاشیدیغمز ، قوینمزه ، صاقلا دیغمز چکر پازدمز .  
 شمدي کلار کې آچیلدی ، بلبلر کې شاقیور . افندم قیزم !  
 پادشاه پدریکک غزاسنی تبریک ایچون بر قصیده سویلشک ؛  
 نهایت درجه ده بکنمش ، طوغدیگک کون قدر سوینمش . حتی  
 اوقدر بکنمش که بکنشی سکا اولان محبتندن حال اوله برکوک  
 غفلتی اوله بيلمک وهمنه دوشمش ده قصیده کی اک مشهور شاعراره  
 کوسترمش ، آنار کنديسندن زیاده تحسین ایتشار . بنده  
 اوقودم ؛ اک باينین یورکلردن چیقان آتشی آهار قدر مؤثر  
 بولدم . بيلمک کولکه محبت نه درجه لرده غلبه ایتش .

بهره ور

جاریه کنز کمی ؟ .. نسل محبت ؟

نورجهان

عادتا محبت قیزم ! اک بیوک اک شدلی محبت . . . پدر محبتی ،  
 خاندان محبتی ، وطن ، ملت محبتی .... سن بر پادشاه زاده سک .  
 باباک مملکتلر فتح ایتسون ؛ ملکی غنیمت دریالرینه غرق  
 اولسونده کولاک نیچون بویومسون ؛ استعدادک نیچون  
 زیاده لشمسون ؟ آه ، هانی قلیچ تعریفنده کی بیتلرک نه قدر  
 کوزل ایدی ؟ اوقورکن سنی طرناقارینه باقشده حیران اولمش  
 بر آرسلان یاورسی ظن ایتدم .

بهره ور

ایکی اوچ قافیه ایله بر قاچ سطر یازی یازمق بو قدر التفاته

دکر برشی اولدیغی دوشونه مزدم . . . . ( کولومسه یرک )  
باری جاریه کزی عادی غازیلرکی غنیمته حصه دار ایدیکز !

### نور جهان

کول قزم . . . کولدیك وقت کونش جالک صباحک  
ابتسامنی آکدی ریور ! سنی غنیمته حصه دار ایتدیلمی ظن  
ایدرسک ؟ دیکله قزم ، پادشاه پدرک او قدر بیوک بر مظفریته  
نائل اولدیغی حالده ینه برشی ایچون مکدر ابدی . غوغایه فصل  
ایسه کندی کیتمدی ، غلبه فصلسه خاندانمزه نصیب اولمادی ؛  
غلبه یی بر وزیر زاده قازاندی ، بلکه بیلیرسک ! هانی یکر می  
یکرمی ایکی یاشنده بر دلی قانلی وار : خسرو میرزا . ایشه  
پنجره نك آلتندن کچور .

بهره ور

آه . . .

### نور جهان

تأسف ایتمه قزم ، ینه خاندانمزک شاننه خلل کلمدی ؛  
اوشانی محافظه ایدن دهنسک ، بتون هندستانک ن قدر علماسی ،  
وکلاسی وار ایسه سنک قصیده کی خسروک غلبه سندن بیوک بر  
موفقیت عد ایدیورلر .

بهره ور

او ! اوچ بش سطر یازی یازمق بر قوجه مملکت فتح ایتمکدن  
بیوک بر معرفت ایش اولیله می ؟ والله هندستانده انصاف قالمش .

کندی قانی فدا ایتک زهده ؟ . . . مرکب صرف ایتک زهده ؟

### نور جهان

دکل افندم . شمدی خسرو میرزایی چاغرسه قده بولقر دیلری  
 « ویلسهک ، بزه » یکریمی ایکی یاشنده بر وزیر زادهک اوچ  
 بش غوغا قزاقماسی زهده . . . اون یدی یاشنده بر پادشاه  
 قزینک هنددهکی ادبانک هپسینه قلمیله غالب کلمهسی زهده ؟  
 جوابی ویرر . قزم قلیج غالبدر ؛ فقط مقطه اوزرنده بیله نیرسه  
 غالبدر . قلم مؤثردر ؛ فقط قلیججه شق اولنور ایسه مؤثردر .  
 سنک قلمکه خسرو میرزانک غلبهسی سبب ویردی . فقط آنک  
 غلبهیه سعینه ده سنک قلمکک قوتی کوستردی . بن اختیارلدم .  
 چوق سولمک اختیارلرک اسکی عادتیدر . دها چوق سولردم  
 اما ، پادشاه پدرك بکلیور . قصیدهک جائزهی اولمق ایچون سکا  
 خاندان حکومت حصهسینه دوشن غنیمتدن شو الماس چلنکی  
 انتخاب ایتشار . بکنیرده قبول ایدر ایسهک نه کوزل ؛ بکنمز  
 ایسهک بوندن قیمتلی برزمرد وار ؛ آنی سکا کتیریم . چلنکی  
 مظفریته سبب اولان خسروه هدییه ایتدیریم اوقدر . زمردی  
 پادشاه پدريکک تاجنه قویه جق ایدک . قولندینی وقت نه لازم  
 کلیر ؟ .

### بهره ور

احسان بیورک : بن قصیدهم ایچون هیچ برشی ایسته م ،

شوقدر نیاز ایدرم که حصه مه آیردینگکز چلنکی اوغازی مجاهده،  
او مبارک ذاته کوندریککز . برده کندی طوررکن مال غیمتدن .  
بنم بویله بیول حصه آلمغه حقم اولدیغنی بیادیکمدن چلنکی بن  
کوندردیکمی خبر ویریکز .

نورجهان

خاندانمزی دوشون .

بهره ور

نیچون دوشونهیم ؟ اوسویدیککز زمردهه اونک کی بر  
عسکره ، بنم کی برقره مالک اولدیغنی ایچون پدریمک حقیدر .  
وارسون کندی سیفیله حاصل ایتدیکی سکسان قدر مظفریت  
علامتارینک یاننده برابر بولتسون ، آنی ده تاجنه علاوه ایتسون .

نورجهان

سن هیچ مکافات ایستزمیسک ؟ .

بهره ور

ایشته کلیرسککز ، بنی برکره آلمدن اوپرسککز . . . قزم  
سن ده انسان اولدک ، دیرسککز . برده حتمده بعض لقردیله  
ایشیدیر ایسه کز، بکا صورمدن اینا نمازسککز . پدرمه ده . نه ایشیدیر  
ایسه بکا یاخود سزه صورمسی ایچون بر اوافاجق اخطارده  
بولونما کزی نیاز ایدرم .

نورجهان

ایکی کوزم سکا برشی اولمش : بن سنی طوغدک طوغالی بو  
حالده کورمدم ، بر دردک وار ایسه سوزنه .

بهره‌ور

بن ده سزی طوغدم طوغالی بودرجه شغفتلی ، بوتدر  
مرحتلی کورمدم . دردم وار: برنجیسی حضور کزده چکدیکم  
آذیت ر . یا بن سزی تنها براقهیم ، یا سز بی تنها براقک .

نورجهان

کیدورم قزم . . . ( قبودن چیقارکن کندی کندینه ) قزده  
بر حال وار . . . .

### المتجی مجلس

بهره‌ور — بر جاریه

بهره‌ور

قز بورایه کل . شو عرب ختیر یله دایهم اوله جق کوپک  
زده ایه شمده بولده کتیر .

[ جاریه چیقار ]

### یدنجی مجلس

بهره‌ور ، کندی کندینه .

خاله‌مه وارنجه‌یه قدر طیور مشار اوله می ؟ های برینک  
مه‌سندن امیدیکم سود، برینک الندن ایچدیکم صو زهر اوله یدی ده  
دنیا ده بو حاللری کورمیه ایدم . بن ده آاز مناسبت مزک ایتهمه،

چانکی کندی نامہ وارنجیہ قدر کوندردم . کوندردمہ قیامتی  
 قویدی ؟ پک اعلا ایتدم . هیچ اولمازسه اوبری ممنون اولور .  
 هاه برکره او بر خنزیرلر ایله قونوشیم ، ولی نعمته خیانت  
 فصل اولورمش کوستیریم . آنارینه بیایدکلرندن قالمسونلر !  
 جاریه ، کبرر .

کلیورلر افندم ، ایشته کلدیلر سلطانه !

[ جاریه چیقار ]

## سکزنجی مجلس

بهره‌وز - مهردل - اخشید

بهره‌وز

سویله باقلم فلاح . دمین نه که که لیوردک ؟

اخشید

دایه کنزک فکرینی آکلاتمق ایستیوردم .

بهره‌وز

سکا دایم لازم دکل ، کوزه عرب ! وزیر زاده‌دن بحث

ایدیوردل . نه دیمک ایسترسک صانکه ؟ . .

اخشید

افندمن پادشاه زاده‌سکوز ، میرزا خسروده پادشاهمنزک یاری

ماکنه یاقین بر مملکت فتح ایتمش بر وزیر زاده‌سیدر ؛ حقنده

اولان حسن نظر هایونکزی کیمسه تعیب ایده‌مز . احتمالکه



افندمڙك خسرو ميرزا حقنده اولان نيتاري ده ولي نعمتي خشنود  
ايدەجك بر يولدهدر .

بهره ور ، لفرديسي كسەرك .

صاقين خالەم كېي پدريمده بر هذيانمي سويادك ؟

اخشيد

استغفرالله ! قولكز دائرۂ هايونكزه كلدم كلهلي افندمزه  
متعلق برايش دكل ، بر جاريەنك بر لطيفه سني كيمسەيه سويلدم .  
پادشاه پدركزل برشيدن خبري اولمديغنده يمين ايدرم . چونكه  
خبري اولمق لازم كلسە اك اول قولكز استنطاقه دوشرد .  
فقط خالەكز سلطان حضرتاري شمدي بورايە تشریف بيورديلر .  
مشربرلي معلوم دولتكزدر . نيتاري ، فكلرلي پك قولاي  
آكلاشيله ماز . شايد افندمزه برشي اياما ايتديلر اينسە احتمالكه  
دايه دن معلومات آلمش اوله لر .

مهردل

اوتاماز فلاح ! بن نه وقت او بر سلطانك دائرەسنه كيتدم ؟  
بن نه وقت كيمە لقردي سويلدم ؟

بهره ور ، دايه يه .

صوص ! سرتاك لازم دكل .

اخشيد

كيملك خبري اولور ايسە اولسون سرك كېي خائنلر ايچنده  
سررمي قالير ؟

بهره‌ور ، براز تأملدن صکره .  
سن دمین نه‌سویلیوردل- بکا آنی بیلدیر .

اخشید

ولی نعمت افندمزك میرزا خسرو حقنده اولان نیتارندن  
بحث اییدیوردم . ظم صحیح‌حمیدر ؟ دکلیدر ؟ بیلیم . فقط  
ایکی کون اول حضور عالیارنده ذکر ی چکش اییدی‌ده . . .  
بزم خانداندن اولغه لایق بریکیت . . بیورمشاردی . کلام  
شاهانه‌لری خیلی مطالعه‌کتورر بر سوز . فقط معلوم‌دولت‌کزدرکه  
سرای تربیه‌سی عجایبدر : بویله ایشلرده دائماً تشبی افندمزه  
براقلی . یاخود اخطارده بر مناسب زمان کوزتملی . مساعدۀ  
هایونکزه مغروراً لقریدی دها آچیق سویلیهیم : خسرو  
میرزانك افندمزه شدت عبودیتنی ، شدت محبتنی هر حال هرطوری  
کوستریور ؛ افندمزك آکا اولان توجه‌هایر ایه هر سوز‌کزدن  
هر حرکت‌کزدن میدانه‌چیقیور . قولکنز بو حاللری دوشوندده  
بر قاچ کره ولی نعمت افندمزه یاخود هیچ اولمازسه پدری وزیر  
حضر تارینه عرض‌حال ایتمسنی میرزا حضر تارینه اخطار اتمک  
ایستدم ، لکن اوده بردلو مطالعه‌مه الویرمدی . . . . .  
[ بهره‌وربو سوزلر وزرینه شدتلی بر دقت ، خفیف انفعال‌علامتلی  
کوستر . ]

اخشید ، سوزینه‌دوام ایله .

چونکه قزاندینی غلبه اوزرینه بویله بر آرزویه قالدیشرسه  
افندمزی خدمت بدلی ، قیلچ اکمکی ، غنیمت مالی حکمنه

قویه جق ؛ بوکا سلطنتك قدر وشانی تحمل ایتمز . صکره ایش  
کوره لم دیرکن ایش بوزمش اوله جغز .

بهره ور

های فلاح ، ديلك طوتلسون ! لقرديارك ييلان ایصلغی کبی  
وجودمه برادیتلی صوغوقلق ، بر قورقنج تیترومه کتیردی !

ا بولندی کوشه به باصلنهرق ا

آه ریم نی بر پادشاه قزی یازاده جغکه بر جاریه پارچه سی  
یاراتسهك نه اولوردی ! مکر هندستانده اصل اسارت سلطانك  
نسیبی ایمش ! بیلمم بشقه یرلردهده اویله میدر ؛

اخشید

ولی نعمتم ! نیچون قدر شاهانه کزدن شکایت بیوررسکمز ؟  
دنیا ده هر مشكلك بر چاره سی یوقیدر ؟ بزم کبی صادق بنده لرك  
لزو می ، افندمره مشكل کوزیلن شیاره چاره بولق ایچون دکیدر ؟  
نه مانع ، هاییدی بر فرصت زمانی ظهور ایدنجیه قدر سریمز  
آره مزده قالسون . بر طرفدن شاه افندمره نیتار نی آکلامغه .  
مرحتلر نی جلب ایتمکه چالشرز ؛ بر طرفدن سلطانمزی حسرتار ،  
مشقتلر ایچنده بر اقامه نك چاره سی آراز . مثلاً بودا ره ذات  
هایونارینه مخصوص ، محافظه سنده قولکمز مأمورم . خسرو  
میرزانك حق عاجزانه مده توجهی ده وار ، آره صره لطفاً  
بنده کزی کوره که تنزل بیورور ؛ افندمره کخا کپایلرینه ده یوز  
سورسلر بر صادق بنده کزك حضور سعادتلرینه کیرم بیلمسیله  
نه لازم کلیر ؟

بهره‌ور ، مهردل ، بر آغزدن .

لالاجغم . . . . .

مهردل

او نصل لقردی؟

اخشید

اقربا کزدن سلطان رضیه مرحومک اردوسی ایچنده ارکک  
اثوابیه کزدیکنی کوزمله کورمشدم . سزده بر سلطان  
دکلیسکز؟ الله نصیب ایدرسه ایلروده زوجکز اوله جق بر آدمه  
کورینورسه کز مملکتک آلتی اوستنه می کلیر؟

مهردل

خائن فلاح ، خنزیر فلاح ! باق ولی نعمت زاده سینه نصل  
نصیحتلر ایدیور؟ اللهدن قورقماز ، پیغمبردن اوتانماز ، پادشاهی  
دوشونمز ، قره شیطان ! هیچ بر ارکک نصل سلطان دائره سینه  
کیور ، هیچ بر سلطان نصل بر وزیر زاده یه ویریلیر؟

بهره‌ور

صوص دایه . . . سرسم ، جادی قاری ! . . .

اخشید

افندمز تلاش بیورمیکز حدتن ، مراقدن صاراردیکز ،  
صولدیکز . بر آزده یتاق اوطه سینه تشریف بیورمیکز ، راحت  
ایدیکز ، قولیکز هپسینه چاره بولورم . اگر بوله مازسم فرمان  
سزدن ، اولمک بندن !

بهره ور ، اختیار سز بر حال ایله عربك

بوینده صاربلوب اوپهرك .

اللاجم ! بنی دنیاده كر چكدن سون سمنشسك ؟ جاء  
مخاطره ده سن قورتار ، قورتارر ايسه سنی ده خسرو قدر  
سورم .

اخشید ، بشوئ و پر هیجان بر حالده .

حقیقه دنیاده افندی هر کسدن زیاده سون بنم ، تشریف  
بیوریکز ، راحت ایدیکز ! التفانکز بنی چیلدیرده جق ده صکره  
ایش کورمه اقتدارم قللیه جق .

[ بهره ور جبقار ]

## طقوزنجی مجلس

اخشید - مهردل

—  
اخشید ،

نهایت درجه ده جبر نفس ایله تمکین کوسترهرك آغر آغر مهردل  
یاقلاشیر ، ایبنی اموزینك اوستنه قومدقندن صکره .

قادین ! « سرندیب » دن بر میمیون کتیرسه لرده شاه خدمتته  
ویرسه لردی ، شمدی به قدر سندن زیاده تربیه اولوردی .

مهردل

بلاق بنی لالا ! . . . چکیل یانمدن فلاح ! . . .

### اخشید

قادرین سن نه دیک ایسترسک ؟ حیثیت فلان کی مناسبتر  
 عادتله باغلانمده ولی نعمت زاده مزنی تلف می ایده لم ؟ عشقنک  
 نه قدر شدتلی اولدیغنی کور میور میسک ؟ ذانا و جودی کل فدان کی  
 برشی ایدی . شمدی قوریمش چوپاره بکزدی . هیچ مرحتک  
 یوقی ؟ بروزیر زاده نی دائره نه قبول ایتمه مک ایچون بر بادشاه  
 زاده نی مزارده می کوندره لم ؟ یور ککده عیچی انصاف یوق ؟ بر  
 دقیقه جق اولسون کیسه نی سومدکی ؟ سلطان دایه سی اوله جقسک ،  
 حالنی کور رمیسک ؟ .

### مهر دل

لالا ! نصل کور میورم ؛ دوندن بری ساعتده بر کره بیلیور .  
 وجودینک یاریسی قالمادی ، چهره سی اولوم یتاغندن قالقان  
 خسته له بکزه دی . کاشکی طوغمان اول تلف اوله یدمده آنی  
 بو حاللرده کور میه ایدم . لکن نه یاپه لم ؛ سنک دوشوندیگک  
 شیر نصل اوله بیلیر ؛ شاعمز بر کره طویارده کندیسنه بر قاق  
 لقردی سویارایسه . . . بکا بو قدر حقارت ایتدن ، ضرری  
 یوق ؛ لکن آنک حالنی بیلیرسک : حقارت حکمنده سوز  
 ایشتمک او نازک وجودینک تحملیمی وار ؟ ( ابکی الی باشنه  
 اوروب آغلا یورق ) آه سویور ، سویور ؛ هم بنم ، سنک  
 اومدادیغمز قدر سویور ! نه یاپه لم ؟ الیمزدن نکلیر ؟ بنم اصل  
 قورقوم پادشاعمزک غضبندن دکل ؛ کندی تلف اوله جق .

یوزینه باقدیجه جانم انسان قیافتنه کیرمش ده قارشومه کلش  
ظن ایتدیکم افندیجکم الدن کیده جک ! یارین باباسی طویه جق ،  
خالهسی طویه جق ، دأرده ده بری برشی سویلیه جک ، بچاره  
چوجوغه طمله ایندیره جکلر . . . . . خسروی ده کورمرسه  
باشامانده هیچ امید یوق . . . . . لالا سن بیلیمسک ، نیم  
قوش قدر نیم ذاتاً آلتی اوستنه کلدی ؛ برشی دوشونه میورم .  
افندی محافله یه برچاره بوله میورم .

اخشید ، هیچ تمکینی یوزمه رق .

سرسم قادین ، برسلطان لالاسنک یاننه بر وزیر زاده کله جک ؛  
صکره سلطان لالاسنی کورمک ایچون دأرهنه اینه جک ده  
بوندن اورتیه بر طاقم سوزلر چیقه جق ؛ اوسوزلری ده پادشاه  
طویه جق ؛ دها بیلیم نهلر اوله جق اولیه می ؛ ظاهر دأرهنک  
آناختارلری نیم قوینده دکل ، ظاهر حرمدده بولنان جاریهلر  
سنک امرک اولدقجه اوتیه بری یه کیده بیلیر ! خسرو میرزا  
نیم اوطمه کلسه ده بن آتی خزینه دأرهنه کوتورسم ،  
سلطان افندمزده شوکوشکک یاننده کی زردباندن اشاغی اینیورسه  
کورشدکلرینی شیطانلرمی کوزر ، منجمارمی کشف ایدر ؛

مهردل

لالا ! افندیجکمک یولنه دکللی ؛ تک اوراحت ایتسون .  
اکلنسون ده نیم بیک جانم اولسه هپسینی فدا ایدرم .

اخشید

نیم سندن مأمول ایتدیکم ده بودر .

## اونجی مجلس

اولکیلر — بهرور

بهرور ، قبودن کیره رک اخشیده .

لالاجغم ، او طهمده یاتدم بردرلو راحت ایدمدم . کوکلم شیشه  
طاقلمش کباب کی حرارتله دقیقه ده برک ره اوتیه بری یه  
دونبور . ( مهربله باق رق ) بوخنیز قاری حالا بورادمی ؟

اخشید

مرحت بیوریکز ! دایه مزک سوزلری افندمزی حمایه دن  
بشقه برشی ایچون دکل ایش . یالکزنه درلور راحت ایدم بیله جککزی  
ذهنه صغشدرمه ماش . قونشوق ، بربریمزه مرام آ کلاتوق ،  
اتفاق ایتدک ، قرار ویردک : یارین اقشام خسرو میرزا  
بوراده در .

بهرور ، تلاش ایله ایکینسک اورتیه سنه قوشه رق برقولی برینک ،

او بر قولی دیکرینک بوینه آتار .

دایه جکم ! . . . لالاجغم ! . . . دایه جکم ! . . . شمدی یه  
قدر بنم راحت ، اکلنجه م سنک النکده ایدی . بوندن صکره  
لالامک النده در . او نه سویلرایسه اطاعت ایت ، صاقین امرینه  
قارشى طورما ! کوکلم ، جانم ، وجودم هپ آنک النده . . .  
یوره کده کی تلاش براز غائب اولغه باشلادی . . . هایدی  
دایه جکم ! بنی او طهمه کوتورده براز او یوینیم ، صانیرم که شمدی



اویورم . دون کیجه دن بری اویقوسوزدم . سز اتفاق ایتدیگز می؛  
 هاه ، هاه ! کیجه ایله کوندز بنم راحتمه چالشمق ایچون  
 برلشیدی ؟ شمدی کوندز دایه جکم ، آنک ایچون بی اوطمه  
 سن کوتور دیورم .

[ دایه - سلطانك قوانوغنه کیرر . اوطه دن طیشاری چیممه باشلار .  
 قپونك اوکنه کلدرک اخشیده خطاباً : ]

کیجه قیافتلی لالاجغم ! یارین اقشام ایچون اولان وعدیکی  
 بکلرم . رنککی دوشونده کیجه نی اوتاندرمه ! اللهم شکر لر  
 اولسون . کوکلده کی چارپیتی صاووشدی . شمدی براز لطیفه  
 ایده بیایورم . لالاجغم هپ سنک سایه کده در . بی اولومدن  
 قورتاردک . نسل اولومدن ، بلکه جهنم عذابندن . یوزیکه  
 باقیورمده خسروک نورانی جمالی قدرکوزل کورینور . چیلدیرمش  
 کی اوزرینه قوشوبده ساعتارجه اوپه جکم کلور .  
 [ بهره ور . مهردل چقار ]

## اون برنجی مجلس

اخشید ، کندی کندینه کزیندرک .

یوز آغارتدق دگلی ؟ افندمن خسرو قدر بزی ده سویورور  
 ایش . مکر بیاض اولمق ، مملکت فتح ایتک ، وزیر زاده بولمق ؛  
 الفته واسطه اولمقدن بیون برشی دگلش ! شو آینه یه باقیورمده  
 کندی کندمدن ایکره نیورم . عجبا سلطان افندمن بی نسل

خسرو کی سور؟ حالا بن نفسمی خسرو قدر سومکه مقتدر  
 دگم! کیم بیلیر؟ انسانک کوکلنی، نهایتنه وارلاماز برغیا قویوسنه  
 بکزه دیرلر، احتمال که تئک بیاض اولمسنه مبتلا اولانلر صاحده،  
 کوز بیکنده بر حبه کورمک ایستمدکلری کی بو نازنین ده بنم  
 رنکیمی سومشدر! یاراسهلر کیجه نی کوندوزه ترجیح ایتمزلرمی؟  
 شاعر «قدسی» وفات ایدنجه یه قدر کوندوز او یومق، کیجه  
 اوطور مقله وقت کچرمیدی؟ اویقو زمانی کوندوزلرده کیجه  
 قدر قاره دکلیدر؟

بدلا!... سنی سلطان، خسرو قدر سو یورایسه آکا سبب  
 یارین کیجه خسروی کتیرمکه ایتدی کلک وعد دکلدرده نه در؟  
 آه رقیبمه واسطه اوله جغم، آنکچون التفات کوره جکم. آندن  
 صکرده ده بویله خیالره دوشه جکم او یله می؟ اولماز... اولماز.  
 بن داغ ایکن خسرو بو سرانی کوره من کوره مزده نه اولور؟  
 بن برایکی کون ایچنده کبریرم، ایتدی کم تدبیرلرک هیمی حکم سر  
 قالیر؟ نهایت خسروه نصیب اولق... آه!... اولماز...  
 البته مالک اوله جغم... یارین اقشام کوریرز.

[پرده قیانیلر]





## اوچنچى فصل

[ پرده آچیلانجه ایکنجی فصلک تزییناتنه یقین بر دیگر سرای ]  
[ اوطه سی کورینور ]

---

برنجی مجلس

بهره‌ور — مهردل

---

مهردل

افندمینه نیچون او قدر محزون طور ییورسکنز ؟

بهره‌ور

دایه وجودمده بر قیریقلق وار ، ینه ایچمه بر صیقیتی  
چوکدی .

مهردل ، بهره‌ورک یانه کیده‌رک والیه  
باشنی نبضلرینی یوفلایه‌رق .

اللهه امانت برشیئکنز یوق !

بهره‌ور

دلی‌قاری ! طوتارده باشمی ، نبضلریمی یوقلار ! برکرده‌الکی

اوزاتده شو يوركك چارپنديسنة باق . . . . . بر درلو حالدن  
آكلامازكه . . . . .

### مهردل


افنديجكم ، الله امانت ينه برشيئكنز يوق : يورككنز  
انتظاردن چارپيور . او قدر نيچون مراق بيوريورسكنز ؟  
لاله كنزه اعتماد ايتزميسكنز ؟ بر ساعتجك دها بلكه مك ايچون  
وجودكزك بر ييلاق عمريني تلف ايتك لايقيمدر ؟ الله ايچون  
يتشير ! قاچ كوندن بريدر چكديككنز اذيتاردن طانميه جق بر  
حاله كلديكنز . بو بر ساعتك انتظار ! . . . ايشته كيجه بتون  
بتون قارارمغه ، ايشته مهتاب پارلاق پارلاق كورنمكه باشلادي .  
بري لاله كنزي ، بري ميرزايي آنديرييور . يارم ساعته قدر  
آنلرده كلير . براز راحت ايتسه كنز ، براز قونشسه كنز نه  
اولوردي ؟

### بهره ور

صوص قادين ! . . . سن ينه مناسبتمز مناسبتمز نصيحتلره  
باشلادك . بكا آغزني آچديره جقسك ؟ اقشام اولدي ، كلن  
كيدن يوق . يالكز كوكله قره خبرلر كليور ! . . . كيت ! او  
لالاميدر ؛ ندر ؟ فلاحك دائره سته كوز كنزديرده بكا صاغلام  
بر خبر كتير ! كيتمزكه . . . قاري بوراده ديرلانه جق ، آدم  
تعجيز ايده جك .

مهردل

کیده یم افندم . فقط قورقارم که دائره خلقي شهيه  
 دوشورميه ! . . .  
 [ قويه طوغري کيتدن مکره عودت ايدرك ]  
 ايشته 'لالا کنز کليور .



## ايکنيچي مجلس

بهره ور — مهردل — اخشيد



بهره ور

'لالا ! نرده قالدك ؟ انساني بو قدر بکلديرلرمي ؟ کوردمده  
 يوره کم آچلدي . آه بيم وصلت کيجه سي چهره لي 'لالا جيم !  
 اخشيد

ولي نعمتم ! مراق بيورميکنز ! هر شي حاضر : بنده کزده  
 هيچ بر زمان قورقمام . ذاتاً قورقه جق برشي يوق آ . لکن  
 نه قدر اولسه انسان هر ايشنده تدبيردن ، احتياطدن کري  
 طور مامليدر که فائده سز پشمانلغه اوغرا مسون ؛ کشمير حکمدارينک  
 کريمه سنه بکزه مک خیرلي برشيميدر ؟

بهره ور ، صبر سز افله .

فصل کشمير حکمدارينک کريمه سي ؟

اخشید

مساعده بیورورسه کز سویله میم : بنده کز کشمیرده ایکن  
حکمدارک کریمه سی بر دلی قانلی بی سومش ده یالکزی یوزینی  
کورمک ایچون برکیجه دائره سنه جلب ایتدیرمش ایدی. قولکزی  
حکمدار خادم لرندن دکدم ، فقط ایچارنده برخیلی بیلدیکم وار  
ایدی؛ بیک کره اخطار ایتدم، بر درلو سوز کچیره مدم . زواللی  
دلی قانلی ! . . .

بهردور

لالا ، نه اولدی ؟ چاق سویله !

اخشید

نه اوله جق ولی نعمتم . . . . حکمدار زاده نک سوز آکلار  
صادق بر بنده سی بولماز ، بر مناسبتسز وقتده دلی قانلی بی دائره  
کوتوررلر ؛ بر طرفندنده حکمدار کریمه سی کورمک ایچون  
یانه کلیر! دائره خلقی پادشاهک وردوینی خبر آلتجه دلی قانلی بی  
یر آلتنده نفس آلماز بر مغاره یه قیارلر ؛ قورقورلرندن بکر می  
دزت ساعت صکره انجق چیقاره بیلیرلر. باقارلرکه یچاره هواسزلقدن  
بوغولمش ، هلاک اولمش ! . . .

بهردور

صوص لالا ؛ شوم آغزلی ! نه قدر مناسبتسز فقره بولدک !

ماشالله درایتکه ! . . . های بو عرب ینه بی بایسته جق . . .

اخشید

مرحت بیورک ولی نعمتم ، فقردم براز مناسبتسز ؛ فقط بنده کز

کشمیر شاهنک کریمه سنه بکزه یلم دیمورم ، اونک فالا کتندن  
برعبرت آلق ایستورمده آناک ایچون میرزا بنده کزک حضور کزه  
کلمسی بوقدر کجکدیردم . اطرافی تحقیق ایتدم ، شمذیک بر  
مخاطره اثری کورنمور . یالکز جازیه لک دأرده قلمی جائز  
دکل . افندمز یتاق او طه سنه چکیلکز ، بنده کز دایه کزله  
دأره خلقی طاغیده لم ، آناختار لر یانمده دکل ؛ آندن صکوه  
میرزای کتیرمکده هیچ بر صعوبت قالمز .

بهره ور

سن بیلیرسک لالاجم ، ایشته بن کیدیورم .

اخشید

احسان بیوریکز : بو اقشام خاله افندمزک دأر سنه  
دعوتلی ایدی کز ، آنلره نسل اعتذار ایدلم ؛ اراده بیورر ایه کز  
میرزا ایله کورشمکی یارین اقشامده تأخیر ایده بیلیرز . . . .

بهره ور

یارین کیجه یه می ؟ لالاجم بن بو کیجه ده می اویقورمز  
قاله می ؟

اخشید

امر ایدرسه کز میرزای شمذی کتیریم ، احتیاط ایچون  
سو بلیورم . خاله افندمز بر عذر بولق او قدر محال برشی  
دکل آ : دایه کز جازیه لک هپسیله برابر کیدر ، افندمزک براز  
راحتمز اولدیغ کزی سو بیلر ، آنلر اکلینر لر ؛ بند کزده خادم  
آغالر بندکان کزی دفع ایدرم . . . . فصل سو بلیه بیلمک . . .

شمڊى تلاش بيوره جقسكز ، تدبيرى بنده كزه حواله  
بيورميورميسكز ؟

بهره ور

بونده تلاش ايده جك نه وار ؟ هانكي را يكي قبول ايتدم ؟

اخشيد

خير ولى نعمتم ، قولك كزك حر كتمى قبول بيور بيورسكز ؛  
فقط كوكلك كزده بر بيوك حزارت وار . . . افندم زى دائما  
آتش باز چه سى كې برسر عته سوق ايديور ، شمڊى سويليه جكمى  
سويليه سهم ينه برطاقم . . .

بهره ور ، لفردينى كسرك .

لا لا !

اخشيد

كورديك زى ؟ شمديدن حده باشلا ديكز . . . قولك كزك  
عرض ايدم جكم شى ، افندم زى كو چنديره جك برايش دكلدى .

بهره ور

نه سويليه جكسهك سويله فلاح ! ينه بنى چلدير تمغه باشلا دك .

اخشيد ، تمكين ايله .

خسرو ميرزا اقشامدن برى بوراده ! سويليه جكم بوايدى  
ايشته . . . فقط الله عشقنه مرحمت بيوريك كزده دائره خلعتنى  
كوندرمه دن يانك كزه كتير تمكده عجله بيورميكز . . .

بهره ور

لالاجغم ! بوراده مى او ؟ . . . او بوراده مى ؟ بنم سياه



نوردن خلق اولمش لالاجم ! بيم كوز بېكندن انسان قيافته  
 كيرمش لالاجم ! سن دمين نه ديدك ؟ دايمم جاريه لري خاله مك  
 ضيافته كوتوره جك دكلي ؟ ( مهردله ) 'وراده نه طاشدن آدم  
 كي طور سيورسك ؟

مهردل ، اويقودن اويانير كي بر حال ايله .

افندم . . . .

بهره ور

باق لالام نه سويليور ؟ شمدى جاريه لره هپسى كوتوزه جكسك .

اخشيد ، مهردله .

بو قدر زماندر قونوشيورز ، ايشتمدكي ؛ هايدى جاريه لري  
 طوبالاده خاله افندمرك دعوتنه كيت ، سلطان افندمرك وجود لري  
 براز قيريق اولديغنى سويله .

بهره ور ، لفردي سويلك ايسته ين مهردلى

صوصدورر .

كيت ايسته آكلادك آ . . .

اخشيد

مرحت بيورك ، تعجيز ايدييورم اما عفو ايدرسكز : سز  
 ينه براز يتاق او طه سنه تشريف بيوررميسكز . جاريه لر ياتمه  
 كيتديككزى كورسونلر .

بهره ور

حتك وار لالاجم ، كيده يه لالاجم . بو حيوانلره اعما

اولماز که . . . شاه اولادلغندن يالانچيلغه تنزل ايتلي ده هپسنى  
 اويله قوللانملى ! خادملى سن طاغیده جقسك دكلى ؟  
 اخشید

امين اولكز افندم ، سز او طه كزه تشریف بیورکز  
 ولى نعمتم .

[ بهرہ ور جیقار ]

اوچنجی مجلس

اخشید — مهردل

—

اخشید

نه طور ییورسك ؟

مهردل

لالا قوزقیورم . . . قوزقیورم که باشمزه بر بلا کلسون !

اخشید ، بر حعلی نفرت کوستره رك .

نه ده صادق بر جاریه ایمشسك !

مهردل .

سكا اولدن بری سویلدم : کندمدن قورقمم ، افندمزی

بر حاله کستیرمیه لم . . . . .

اخشید ، کمال متنتله .

سن افندیکی سورمیسك ؟

مهردل

یا سومیه جگمی یم ؟

اخشید ، شدتله .


بیلمز میسک که سومه نك اڭ بیواڭ شرطی اطاعتدر ؟ سکا  
افندمز امر ایتدی ، نیم رأیله حرکت ایده جکسک دگلی ؛  
بوکون تربیه سنه ، درایتنه ، عرفانه بتون هندستانی حیران ایدن  
برسلطاندن کندیکي دها قدرتلی می صانیورسک ؟ البته افندمز  
بر بیلدیکي وارکه ایشی بکا حواله ایدیور . . . .

مهردل

نه دیمک ایستیورسک ؟

اخشید

شمدی آلدیفک امرء اطاعت ایدرسک . نیم طرفدن نسیحت  
ایسترایسهک نورجهان صورمدقچه افندمزک کیفه زلکنی سویله ،  
شاید قاقار کلیر ایسه بتون بتون ایش بوزیلور .  
مهردل ، حیران حیران عربک یوزینه باقرق .  
پک انی . . . سز بیلیرسکنز ! . . . بن کیدیورم . . .  
جاریه لرك هپسنی برابر کوتورورم .



دردنجی مجلس

اخشید ، یالکنز .

شمدهی جاریه لرله دایه کیدر ، خاله حضرتلری البته بر یکی

نازینک نیچون کلدیکی مراق ایدر ، طبیعی ایثی سورار ،  
دایه او یله ایکله رک بوکیله رک خسته در دیه خبر ویرنجه خاله خانم ،  
بلکده شاه پدري قوشه قوشه بورایه کلیر . . .

بو حالد میرزای قاجیر مق طبیعی بزه قاله جق . . . . خاله بی ده  
قولایلقه دفع ایله رز . . . . ( آینه یه باقه رق ) . نم چهره م  
وصلت کیجه سنه دکل ؛ شو وصلت کیجه سی قرا کلقده ، قورقنجلقده  
نم چهره م بکزیور ! تحف شی دکلیدر ؛ خادم ظن اولمش بر  
عرب بر شاه قزینی سوسون ، یالان سویله یه سویله یه لالانغی  
قزاسون ، بر قاچ اردو طاغتمش ، بر مملکت ضبط ایتمش بر  
وزیر زاده بی ده غوغا اسیری کبی بر یره حبس ایتمسون ! او  
عرب ، او پاره سنی ، حیانتک بدانی اسیرجی تخته سنده کورمش  
عرب شمدی شاهک قزینی قوینه آلا جق . ایستر ایسه وزیرک  
اوغلنی ده جلاد اوکنه آت جق . . . . .

( براز کزندکن صکره بر کوشه یه اوطوره رق )

خیر ایشده خطا وار : خسروی بورایه کتیرمه ملی ایدم .  
مادام که بهره وری قاندر مق ، دایه بی قورقتمق المده ایدی ،  
مادام که بوکیجه خاله نک دائر سنده او قوجه ضیافت وار ایدی ؛  
دائر بی طاغتمقد بر کوچلکمی تصور ایتم که رقیبی المله  
تا بورایه کتیردم ؟

بنده بدلامی یم نه یم ! شودوشوندیکم شماره باق ! خسروی  
دائر یه کتیردمسه قزله کورشدیرمکه ده مجبور دکلم آ . . .  
وارسون اوده کشمیر شاهک سراینه کیرن دلی قانلی کبی

بوغولیویرسون ! بایه باق که خسروک یری اویله یر دکل :  
 قرق کون برافسقه ایچنده هوا سزاقندن دکل . آچلمقندن  
 بیله کبرمز . . . بن آنی کبرده مز می یم ؟ بالله کبردیرم ، والله  
 شمدی بوغارم . . . هم کندی جکرینک قاننده بوغارم !  
 آه ! اولماز ، اولماز : بن بهرهورک یانسه کیردکدن صکره خاله  
 کلیر ایسه نه دیرم ؟ کلز ایسه خسرو ایچون بریکنه نسل لقردی  
 آکلادیرم ؟ اوف ! . انسانک بردقیقهلق بر سورله ایتدیکی  
 خطایی دوزلتمک نه قدر دوشونمکه ، نه قدر چالشمغه محتاج  
 اولیور ! چاره یوق ، میرزایی افندمزک یانسه کوتورملی خاله  
 کلز ایسه نه اعلا ، کلیر ایسه بر یالان سویلیوبده آنی قاچیرمق  
 کوچ بر شی دکل آ .

[اوطه دن دیگر اوطه یه نردبانی کورینور بر قیو آچهرق ]

میرزا ! . میرزا !

بشنجی مجلس

اخشید — خسرو

—

خسرو ، نرباندن کورینورک .

بیورک لالام !

اخشید ، تمکین ابله .

بیلیرسکزی ! بن لقردی بی براز قیسه ، بر ازده وقتمز

سویلرم ؛ دعوتدن مرادمی آ کلایه مدیکنز دکللی ؟

[ اتکنه فیانه رق ]

شاهمزه داماد اوله جقسکمز، تبریک ایدرم . ولی نعمت بهره ور  
بانو افندمز ذات عالیکنزی کورمک ایستور .

خسرو ، دهشتله کری چکیله رک .

لالا او فصل لقردی ؟ کیم جسارت ایده بیله جک ؟

اخشید

هایدی میرزام ! اوچیوز بیک دشمنه قارشلی طورمش بر  
پهلوان ، برسلطانک جمالنه باقمه تحمل ایده میه جکمی ؟ سز بوراده  
طورکنز بن افندمزه خبر ویریرم .

[ چقار ]

## یدنجی مجلس

خسرو ، یالکمز .

انسان بوقدر طالعی اولورده بوقدرده اقبالندن قورقارمی ؟  
برحوری بنی یاننه چاغیرمش ، عزرائیل قوجاغنه دوشه جک قدر  
قورقیورم ؛ عربک حق وار ؛ بو قدر بیک دشمنک اوقندن ،  
یایندن قورقادمده برملکک قاشندن ، کریکندنی احتراز ایده جکم ؟  
نه اولمق احتمالی وار ؛

## سکزن فچی مجلس

خسرو - اخشید - بهر دور باشی اورتولی

—  
اخشید

بیورکنز افندم ! خسرو قولکنز بوراده .

خسرو ، کندی کندینه .

خیال . . . خیال . . . بوغو غاده بولمغه بکنزه میور !

شمیدین دیزلرم تیره مکه باشلادی .

بهر دور ، بر مدت کندی کندینه غلبه ایتمه چالیشه رق .

میرزا سزی بورایه تبریک ایتک ایچون چاغردم ، غناکنز مبارک اولسون . دولتمزه بر بیوک شان قازاندرمشکنز . خدمتکنزک بر کوچوک مکافاتنی اوله رق سزه برهدیه کوندرمشده ، نیچون قبول ایتدیکنز ؟

خسرو ، تلاشلر ایچنده قالیر .

استغفر اه افندم ! محاربه لری ولی نعمتمز ، پادشاهمنزک عسکری قازاندی ، بنده کنزک خدمتم یالکنز آنلرله برابر بولمقدن عبارت ایدی . مکافاتنه مستحق اولدیغیمی بیلیریم ، لکن جناب حق عمرکنزه برکت ویرسون ، بندکانکنز حقمنده بیوکلککنزک شانی کویستر مک ایچون قولکنزده اوله بر احسان تنسیب بیورمشکنز ، قبول ایتمه مک خدمی افندم ؟ قیامته قدر کرک بنده کنزه کرک خاندانیه باعث افتخار اولمق ایچون حرز جان کی صاقلیورز .

بهره‌ور

بکا قبول ایتمدی دیه خبر ویرمشاردی ده . . .

خسرو

استغفراه !

اخشید ، کندی کندینه .

افندمن یالانی فنا سویلمیور !

بهره‌ور ، تلاش ایله .

طیشاری ده بر ایاق سسی وار !

[ اخشید تلاش ایله چیقار ، خسرو ایله بهره‌ور بر دقیقه قدر

محبت و حیرتدن مرکب بر نظرله یکدیگرینه باقارلر . ]

اخشید ، ایجری به کیره‌دک بهره‌وره :

غالبا نورجهان افندمن کلیور ، کندیکنزی طوپلایکنز !

( خسروه ) بیورکنز میرزا ، آشاغیده یریکنز امیندر .

- [ خسرو ایله اخشید نردباندن اینزلر . ]



طقوزنجی مجلس

بهره‌ور — مهردل



بهره‌ور ، او صره قیودن کیرن مهرده :

خاله‌م می کلیوز ؟ . . .



مهردل

خاير افندم .

بهره‌ور

کیم کلیور ؟

مهردل

کیمسه کلیور افندم .

بهره‌ور

سن نیچون کلدک ؟

مهردل

افندمن ایچون مراق ایتدمده . . .

بهره‌ور ، پر حدت .

شو جادی یه باق ، ینه جاسوسلقمی ؟

مهردل

الله عشقنه . . .

بهره‌ور ، لفر دیسنی کسەرك .

چیق طیشاری . . . جنهم اول ! جاریه‌لرك یانسه کیت . . .

بوکیجه بردها سنی بوراده کورمیه‌یم !

[ مهردل خوف واضطراب ایله جیقار ]

بهره‌ور ، تلاش ایله قوشه‌رق مهردلک آرقه‌سندن قیوی

سورمه‌لدکن صکیره خسروک ایندی قبه یه کلیر .

لا لا ، لا لا ! . . .

## اونجی مجلس

بهره‌ور ، اخشید

اخشید ، برمکانه قیودن کیردک .

بیورک !

بهره‌ور

کل کیمسه یوق . . . خاله‌م کلدی . . . مکر ایشدیککنز

آیلق سسی دایه بلاسنک ایش !

اخشید

عجایب !

بهره‌ور

هانی خسرو ؟

اخشید

بوراده . . .

بهره‌ور

هانی ، زرده ؟

اخشید ، الیه کندی کوستریر .

ایشته ، قارشیکزده طورییور !

بهره‌ور

عرب ! بوفصل لقردی ، سن چلیدر دکی . . .

اخشید ، هیچ تمکینی بوزمقیزین .

خیر ! کندیمه ایجه دقت ایدیورم . دمین بلکه چلیدر مشدم ؛

نمدی امیدمدن زیاده کوکلم راحت ، ایستدیکمدن زیاده عقال  
یرنده . . .

بهره‌ور

عرب بن سکا خسرو زرده دیورم .

اخشید

بنده سزه خسرو قارشیکزده دیورم !

بهره‌ور

او نصل لقردی فلاح ! سن قاره‌نی بیاض کوسترمکه‌می  
قالقیشه جقسک ،

اخشید ، بر مکانله بهره‌وره یافلاشهرق و الی طوته‌رق .

خیر! قاره‌نی بیاضدن فرق ایتدیرمیه‌جکم ، بکا، سنی‌ده خسرو  
قدر سورم، دین سزدکی ایدکیز ؟ دیمک که ذاتاً بیاضی ، قاره‌نی  
فرق ایتبورمشسکیز !

بهره‌ور ، الی شدتله جکر .

صوص فلاح ! . . .

اخشید

اطلق بیورک افندم ، شو مضمونلری ، خیاللری برطره  
براقلمده براز آدم کی قونوشلم : سز کر چکدن بی « نه ارکک  
نه قالدین » ظن ایتدیکیز او یله‌می ؟ بکا اولان التفاتلر کزده  
خسروله الفتکزه واسطه اولق ایچوندی دکی ؟ ایشه خسروی  
برکره کوردیکیز ، بنده حقمی ایسترم . بنده آدم . بنده  
سنی سویورم !

بہرہ ور

صوص ملعون فلاح !

اخشید

باق بندہ هیچ حدتدن اثر وارمی ؟ یورہ کج بیاہ چاریمور .

بہرہ ور

خنزیر عرب ! یورکک یرندن قویسون دہ کوپککیر لقمہ ی  
اولسون .

اخشید ، برمکانت فوق المعادہ الہ .

حدت لازم دکل ، مرام اکلاہئم . دائرہ کزدہ ارککدن ،  
قادیندن کیمسہ یوق ؛ خسرو دن بشقہ . اودہ نیم الیمہ .

بہرہ ور ، بلاشر ، ہیجانر ایچندہ .

فلاح ! اللہ بلاکی ویرسون ، بنی اولدیرہ جکمیسک ؟ کل !  
اورادہ کیمسہ یوقی ؟

اخشید

کیمسہ یوق دیدم ، اینامادیکنز می ؛ اشاغیدہ برخسرو وار...  
نیم الیمہ . . . کلید التندہ . شمدی کیدہ جکم ، شاہ بابا کی بورایہ  
کثیرہ جکم ، ایکیککیزی بردارہ دہ کوسترہ جکم .

بہرہ ور ، کیتدکجہ حدت وشدتی تزبید ایدرک .

عرب بکا قصدک نہ ؟ فلاح ، ملعون !

اخشید

حدت ایتیکز ، قصدیمی سویلیہیم : سنی سویورم ،

بن سنك ايچون حریمي فدا ایتدم ، تکرار اسیر اولدم .  
طیاق یدم ، حقارت کوردم ، کیجه لری اوبقوسز قالدیم ؛ نهایت  
رقیمه واسطه اولق بلاسنی ده کوزیمه آلدیردم !

بهره ور

های بو عرب کرچکنن چلدیردی . . . خسرو ، خسرو !  
باری سن امدادمه یتیش . . .  
[ کیتدکجه سسنی زیاده اشدیره رک ]  
خسرو ، خسرو !

اخشید ، کمال شدله یرندن فیرلایوب بهره ورک  
اوزرینه قوشار .

بردها خسروک آدینی آکا ! شیمدی کیدر کندیسینی بیک  
پارچه ایدرم . . .

بهره ور

عرب او فصل لقردی ؛ بو فصل صورت ؛ زبانی خنزیر ؟  
قاره شیطان ! . . .

اخشید

برقاره شیطانک آتامزی ، آتامزی جتندن محروم ایتدیکنی  
بیلیرسکمز ؛ بنده او قاره شیطانلردنم ! آره مزده شو قدر فرق  
وارکه او تک کوزلی ایمش ، نم ایکی کوزم وار ! عقلکی باشکه  
طوپلا سلطانه ، غائب ایده جک و قتمز یوق . . . یابی نمون  
ایدرسک ، یاخود شوددقیقه ده خسروی بارالم ؛ دائره کزه کلدیکی  
.

ایچون پارالاندیغی سویلرم ، سنک دعوت ایتدیگه کده دایهک  
اوله جق بدلای شاهد طوتارم ، آکلادکی ؛

بهره ور ، چهره سی یم بیاض کیلیر ، الری  
تیره مکه باشلار .

صوص فلاح ! شیمدی بایسله جغم .

اخشید ، کیتدکجه حدت و شدتی زباده لشدیره زک .

ایستر بایل ، ایستره ک اول ! بهره ور سلطان هر زمان آله  
کچمز . . . . . اخشید بو دقیقه یی عمرنده بر دها بوله باز . . .  
نورجهانی بیلیرسک ، قلبنده سکا نه قدر کینی وار ؛ بن بوراده  
آنک امریله طور ییورم ، او یله بر یارد مجم اولدقن صکره سنی ده  
حبس ایتدیررم ، محافظه کده بن مأمور اولورم ! . . . . . خمروک  
رغمه ، سنک ده عنادکه بن سکا مالک اوله جغم . آکلادکی یاوروم ؛  
کونش نصل قارانلعه باتار ایسه . بن ده سنی وصلت کیجه سینه  
بکرتدیگک وجودیمک ایچنده او یله یاتیره جغم ، . . . بهره ور ،  
دیکه ، جان قولاغیله دیکه : سن بنسک . . . . . سن اخشیدک  
مالیسک . . . . .

[ اخشید بهره وره طوغری قوللارینی آچهرق کیدر ، بهره ور بر  
طرفه بیغیلیر قالیر ] .

اخشید ، دقتله بهره وره باقهرق .

آ . . . . . بایلمش ! بو قدر کوچک بر حیله ، بو قدر خفیف بر  
تهدید ایله مقصدک حاصل اوله جغنی کیم بیلیردی ؛ هاه هاه هاه ! . . .  
بز خادم آغاسی یز ؛ قادینلر المیزه تسلیم اولنور ! زهی غفلت ! بو

هند شاهنك قيزينه كيمسه كل ياراغييله طوقونهماز . . . خسرو  
 ميرزا وزير زاده در؛ بر قوجه ملكهك فاتحيدر؛ كيمسه كنديسيلاه  
 پنجه لاشه مز . . . بونارك همي خيالات ، همي وهميات ! . . .  
 (باغبين ياتقمده اولان بهره وره نصب نكاه دقت ايتدكن صكه )  
 مكر انسان نه قدر عاقل ، نه قدر تدبيرلي مخلوق ايمش : آفريقا  
 چوللرندن كلش بر فالاح كنديسي بر خادم كي كوسترييور ! . . .  
 (غايه احتياط ايله بهره وري قوجاغنه آليز ) سوديكني قوجاغنده  
 كورييور ، . . . سوديكي ايستر ايسه بونك كي هند شاهنك  
 قيزي اولسون ( بهره ورك باغبين چهره سنه باقار ) وسلت كيجه سي  
 قيافتي لالانك صولغون قري ! سن بنمك بهره وور ، بنم . . . بنم !  
 ( بر ثانيه تأملدن صكره ) آشاغيكي اوطة دها اميندر ، اورايه  
 كيده لم . . . اوراده . . . ( كولومسه يرك ) خسروده ياننده كي  
 اوطة دن احتمال سسمزي ايشيدر .  
 [ اخشيد بهره وور قوجاغنده اولديني حالده نردبانلي قويه طوغري كيدر ]

[ پرده اينر ]





## دردنجی فصل

[ نور جهانك مكلف دوشمنش اوږه سی ]

### برنجی مجلس

نور جهان - بهره ور

—

### نور جهان

بو حال نه در قېزم؟ بر قاچ کوندن بری ساعتده بر ياپراغی  
دو کیلن صولغون چیچکه بکزه دک. انسان یوزیکه باقدقیجه  
آغلایه جنی کلیور. اویله آجی آجی کولو شک دها زیاده انسانی  
آغلاده جق بر حاله کلدی. اللهه امانت، درایتک عرفانک دنیا ده  
مثلی کورلمه مش درجه لرده، فقط بزم هند سراینک حالی  
بیلمز سکنز بوراده او قدر حیاهلر، او قدر دیسهلر واردرکه  
انسانک بتون عقلی نوردن یارادلش اولسه ینه تجربه سز آ کلایه ماز.  
بن شو یاشمه کلدیم، حالا یکی یکی شیار ایشیدیورم: مثلاً سزنی  
کندیکنزه دشمن بیلورم شسکنز! . . .



بهره‌ور ، جبر نفس ايله كندینی  
طوبلايه‌دق .

استغفرالله افندم .

نور جهان

خير قزم ، بو حالی بن تعيب ايتم : واقعا بن اه‌لاددن  
محروم برقادیم ، سندن بشقه دنياده سوه‌جك كيمسه  
يوق . . . . بو حاله بنم سزی كندی جانم قدر سوديكمی  
آكلامق كوچ برشی دكلدر . . . . فقط بلکه برافه ايشنديكز :

بهره‌ور

هيچ برشی ايشتمدم .

نور جهان

بو احتياطكزده بنی تصديق ايدر قزم . . . سزله  
كوكلانزده برشی وار ، نيچون خاله‌كزه سويلكه تنزل ايتيموسكز :

بهره‌ور

هيچ برشيئم يوق ، راز كيفسزم افندم .

نور جهان

قزم ايكي كوزم ، سن اول بويله‌ميدك ؛ او كولوشريكه ،  
او شاقر ديلريكه باقانار چهره‌کی كل قيافته كيرمش بلبل نظن  
ايدرلردی . شمدي يوزيكه باقيورم ده كوزلرك آغلاماهه جبر  
نفس ايتمش بر مظلومدن زياده محزون طوريبور . افندم قيزم ،  
تجربه‌سزسك . كل لطف ايت ، كل ، همزه بردن قيامده‌حالكي

بكا سويله ! شاه پدريكه آجيازميسك ؟ بر قاچ كيجه دن بريدر  
سنى دوشونمكدن اويويه ميور .

بهره ور ، كوزلندن بر قاچ طامله

باش دو كهرك .

تجربه لي يم افندم ، هم پك اغر تجربه لره اوغرام ! . .  
مرحت بيوريك زده جاريه كزه رخصت ويرك براز او طه مه  
كيده يم . . . .

نور جهان

خير قزم ، بن سنى بو حالده كوردك دن صكره مزاره  
كيدر كي او طه كه كوندرم . . كل ! اوراده كي مسه يوقى ؟

بهره ور

مرحت بيورك خاله جغ ، بندن نه ايسترسكز ؟ ديورم . . . .

نور جهان ، لقردينى كسهرك .

خير قيزم بنم بو درلو كيفسزلكه عقلم ايرمز . سن بزه  
مرحت ايت ده . . . . اليمزدن كلنى يايغه ميدان براق . . . .

ايكنجى مجلس

( ارلكيلر برقاچ جاريه )

نور جهان ، جاريه لرك برينه .

كيت قز ! شاهه عرض ايت ، مبارك خا كپايلرينه يوز  
سوره رم ، براز لطفاً بورايه تشريف بيورسونلر . ( ديكر بر  
جاريه ) سن ده كيت مهردله سويله بورايه كلسون .

بهره‌ور

افندم ، نچون بو قدر اوزریمه واریورسکنز ؛ خسته یه .  
حق‌کنزده ایشتدیکم لقردیاری کوکله تصدیق ایتدیرمک شانکنزه  
یا قیشیری ؟

نور جهان

لطف ایت قیزم ، بن ده حق‌کنزده ایشتدیکم لقردیاری  
تحقیق ایتک ایستورم . خاله‌کنز دشمنکزمی ؛ یوقسه کرچکدن  
دوستکزمی ؟ او زمان آ کلاشیلر .



اوچنجی مجلس

اولکیلر - مهردل

نور جهان ، مهردله .

کل بورایه قادین ، سن حق نعمتی دوشونمز میسک ؛ سن  
اللهدن قورقاز میسک ؛ سکا آچلماش غنجه طومروغی کی بر  
شاه زاده‌یی تسلیم ایده‌جک قدرایان‌دیله ، اسیرایکن سلطان اولدک  
نیه النده‌کی اماتی بو حالله کتیردک ؛ بوچو جوغک دردی نه‌در ؛  
شمدی حقیقت حالی سویلیه‌جکسک !

بهره‌ور

خاله‌جغم انصاف بیورکنز ، بایيله‌جغم !

نور جهان

باییل قیزم ، آلتی یدی کوندن بریدر ساعتده ایکی اوچ کره

بایلدیغکی ایشدیورم ، سن بایلدیقه بزده بایلبورز؛ ولی نعمتمز  
شاه پدریکک امریله نیچون بایلدیغکک سببی میدانه چیقاره جغ .

بهره ور

خسته یم دیدم !

نور جهان

قیزم هندده نه قدر حکیم وار ایسه یانکه کوندرک ، هپسی  
بردن وجودکده هیچ برشی یوق دیورلر .

بهره ور

خاله جغ . . .

نور جهان ، لفردیسی کسهرک .

بندن خالهک ، والدهک مأمول ایدر ایسهک صکره ایت ؛  
بن شمدی حقیقت حالی اوکره نه جکک صوص قزم ! ( مهردله )  
بورایه کل قادین ، چوجوغک حالی بیلیر ایسهک سن بیلیرسک ؛  
طوغری سویله !

مهردل

افندم ، نیم بر شیئدن خبرم یوق .

نور جهان

خاندانمزه بوقدر خدمتک وار ، کنسیدیکه قییا ! سنک  
بیلدکلریکی بزبیلیمورز ظن اتمه : ایشدکلریمز طوغریمیدر ؟ آنی  
اوکرتمک ایسته یورز . « حدتله برندن قالفوب مهردلک الندن  
طوته رق » برپادشاه زاده در ، دردینی سویلمک کنسینه یاقشماز ،

ایشی سندن تحقیق ایده جگنر ، ایشته ولی نعمتمزده شمدی  
کلیور ، طوغری سویله ، صکره آدمی جلاد النده سویلدیرلر .

مهردل ، برمکاتله نور جهانک الندن قورتولورق .

بن افندمک خسته لکنندن بشقه برشیئی بیلم ، ذاتا او  
خسته لکنندن فلاح بولمایدق ، بن ده انک آرقه سندن برکون  
باشام آنک تابوتی کورمکنن ایسه ، جلادک قلیجی کورمک  
بیك قات اعلادر ، امر ایدک اولدیرسونلر .

نورجهان ، اجبار نفس ایله یرندن قالمغه  
چالیشان بهره وره .

طور قیزم ، طور افندم ، طور ایکی کوزم ( مهرده ) دایه ،  
لقردی آکلا : هرکس سنک افندیکه اولان صداقتکی بیلیورده  
آنکچون سکا سوز سویلیور . بکا هرشیئی آچیقجه می اعتراف  
ایتدیره جکسک . . . . . پکی ، اويله اولسون : شاهمزنک باشی  
! یچون بن بورایه فکر خیانتله کلدیم ! افندک خسرو میرزایی  
سویورمش ، مقصدینی حاصل ایده جکم آنکچون کلدیم .

بهره ور ، حدتله یرندن قالفار .

ایسته م ، سزدن برعنایت ایسته م !

نور جهان

تجربه سزسک قیزم ، هله بر آز راحت ایت ! ( مهرده )  
اوج کره در تکرار ایدیورم ، طوغری سویله : کرچکمی ؟  
دکلی ؟

بهره ور ، کمال شدله تکرار یرندن فاله فرق .  
 ا کا نه صوریورسکز ؟ نه دیه جکسکز ، سویورم ؟  
 دایه مک یرینه بی اولدیرک !

### دردنجی مجلس

اولکیلر — شاه — جاریه لر

—

شاه

نهدر او کورلتیکز ؟

نور جهان

ولی نعمتمزک عمرینه دعا ایدیورز . آردهه بعض لطیفه لر  
 ایتدک ، افندمزه عرض ایده جک برشیئم وار : کریمه کزله مهردل  
 جاریه کزدن بشقه او طه ده کیمسه قالمسون ، فرمان بیورکزده  
 برخلوت اوله لم . . . .

[ شاه اشارت ایدر ، موجود اولان جاریه لر چکیلر . ]

شاه

نهدر همشیره ؟

نور جهان

ولی نعمتم ، کریمه کزک حالنی کوریورسکز .  
 شاه ، نور جهان .

لقردیسنی ایتشدک . ( بهره وره ) قیزم ، بز سندن شعرلر ،

لطیفه‌لر ، دوکونار ، ضیافتلر بکلر ایکن هپسنه بدل برخستلک ،  
برخزونلق چیقاردک ، چهرکدن زهر آقیور ؛ تأثیری ده بزم  
کوکلزده کوریلور . . . . .

بهره‌ور

برشیم یوق افندم .

نور جهان

خیر پادشاهم ، جاریه‌کز حقیقت حالی بیلورم ؛ فقط اول  
افندم رسؤاله جواب احسان بیورک .

شاه

نه‌در ؟

نور جهان

بهره‌ور بانو کریمه‌کزی دوامزه دائر برایش ایچون  
جوارم‌زده‌کی ملک‌ردن برینه ویروبده باشکزدن دفع ایتک  
فکرنده‌میسکز ؟

شاه

همشیره ؟ نیچون بویله تحف سؤالر صورارسک ؛ الله  
باغشلاسون بهره‌وردن بشقه برده ارکک چوجوغم وار ، فقط  
اوچ یاشنده . . . . . نم دنیا‌ده فرحم ، سعادت سنک درایتکدن ،  
بهره‌ورک فطانتدن عبارت اولدیغنی بیلمز میسک ؟ قیزی یانمن  
آیرمق نیچون خاطریه‌کلسون ؟ کندی کی می‌ایسترایسه آکا ویره‌جکم .

نور جهان

بیلیم پادشاهم ، کریمه‌کزک امین اولسی ایچون بیلدیکه

شئی صورمغه جسارت ایتدم . چوجوغی ایستدیکنه ویره جک  
 دکلکی : ایشه خاندانزک شاننه خلل ویرمیه جک برقولکزی  
 انتخاب ایتدیکندن معلومات آلدیم ، امیدایدرم که بواختابی . افندمزی  
 یکیدن برملکت فتح ایتک یاخود بانوجاریه کزک فتحه دائر برکوزل  
 قصیده سنی کورمک قدر ممنون ایدم جکدر .

شاه ، براز تأملدن صکره .

دیک که خسروی وزیر ایدم ، ذاتاً پذیری اختیارلادی . . .

نور جهان

احسان بیورک پادشاهم ، ( بهره وره ) دوست . دشمن  
 شمدی آکلاشلدی ظن ایدرم قیزم ؛

بهره ور ، اویقوده اویانیر کی برحال تهورله یرندن فیرلایه رق .  
 ایسته م !

نور جهان

نه بی ایسته مزسک قیزم ؛

بهره ور

سویلدیککز آدمی .

مهر دول . بی اختیار سوزه قاریشیر .

هانکی آدمی ؟ بوقدر کوندن بری شاه پدرکدن بومسکین  
 جاریه که وارنجهیه قدر یولنده تعجیز ایتدیکت خسرویمی ؟  
 نیچون ایسته میورسک ؛ ایشه ولی نعمت افندمزی راضی اولیور ،  
 ایشه خاله کز عرض ایتدی . . . . ایشه دایه کز قارشیکده



طوریوز . . . . ایستر ایسه سودیکک لالاک ده چاغرهیه  
( آياقلىنه قپانه رق ) اوده نيم کبی آياقلىکزه قپانیده رجا ایدر .  
بهره ور ، کال نفرله چکيله رک .

الامی ؟ فصل لالا ؟ . . . . بن کیمه نی ایسته م . . . .  
ایسته م . . . .

نور جهان ، بهره ورده یاقلاشورق .

قیزم خسروی بن حایه ایتدم ، محاربه یه بن کوندردم .  
شاه پدریکک سنی یانندن آیرمق ایسته مدیکنی بیلیردم ، آکا  
داماد اولق ایچون خسرو دن بشفه مناسب کیمه نی ده کورمزدم ،  
آنکچون انتخاب ایتدم . دایه لالاک خسروی سودیککی خبر  
ویریورلرده سن بو ( ایسته م ) سوزینی نرهدن چیقاردن :

شاه ، نور جهان .

طور همشیره ! چوجوقدر احتمال که اوتاندر ( بهره ورده )  
بوزایه کل قیزم ، سنک کیمه واراچنک کندی بیله جکک شیلردن  
دکلدر : بن سنی بوکون وزیرم اولان خسرو خانه ویره جکم ،  
مخالفت ایسته م ، ایسته اوقدر . ( نور جهان ) همشیره ، بیوزک  
کیدلم ، دوکونمزک تدارکاتنه باشلايه لم .

[ شاه ایله نور جهان چیقار . ]



## بشنجی مجلس

مهردل — بهره ور

—

مهردل

لا'لا کزی جاغره یم می ؟

بهره ور ، کال تیورله .

آنک ده ، سنک ده ، شاهزاده لکک ده ، دنیا نك ده الله بیک

درلو بلا سنی ویرسون !

( بهره ور آغلايه آغلايه برطرفه ییغیلیر پرده قیانییر )





## بشنجی فصل

برده آجلدینی کبی سائر پرده لره یقین مزین ر سرای  
اوطه سی، فقط ایچنده برده یتاق .



## برنجی مجلس

بهره ور ، یالکز.

اوف ! بوکنجلیکده ، بو قدر دولنار ، راحتلر آهمنده ...  
حتی حیامدن زیاده سودیکم خسروی یتاغده کوره جکم زمانده  
اولک ! ...

آه اولک زرده قالیر ؟ کندیمی اولدیرمک ! کندی جانمه  
قیمق ... بوبلایه لازم اولان زهری تدارک ایچونده برکده ده  
اوملعون عربک ، او جنهم کورلوندن یاییلمش خنزیرک یوزینی  
کورمکه مجبور اولمق دنیاده برکیمسه نک باشنه کلش بدبختلقلر دئمیدر ؟  
چاره یوق : فلاکت طوله جق ، قدر یر بنی بوله جق ...  
دایه !

## ایکنجی مجلس

بهره ور — مہر دل

—

بهره ور

بکا براز آتی . . . او . . . فلاحی . . . ہانی لالامیدر ،  
نہدر ، بورایہ چاغیر میسک ؟

مہر دل

چاغیریم افندم ، سزی بوکونینہ پک محزون کوریورم .  
بتون مملکت شہر آیین ایچندہ . . . دنیا کولیور ، سز  
آغلایورسکنز !

بهره ور

اللہ عشقنہ ، مناسبتسز مناسبتسز لقردیلرکالہ بی برقات  
دھا اوزمہ ، لالامی چاغیر . . . ایشته اوقدر .

مہر دل ، غایت محزون بر نظرلہ بہرہ ورک یوزینہ  
یارم دقیقہ باقدقدن صکرہ .

امرسزک افندم ( کندیکندینہ ) بردرلو آکلایہ جغم حاللر  
دکل : سودیکنی یانہ کتیرتدی ، دوکونی اولیور ، مملکتک  
شنلکی دنیای طوتیور ، کندیبی آسیلہ جق آدملردن زیادہ  
کدرلر ایچندہ !

بهره ور ، حدته .

دایه ، نه طور یوړسک یا ؛ ښی اوزمه دیوړم ، اوخنیز  
فلاحی نورایه چاغری میسک ؟ اوف . . .

مهردل

کیدییوړم افندم ، اوزوله ایکی کوزم .

~

### اوچنجی مجلس

بهرور — صکره مهردل — اخشید

—

بهره ور

ینه کوزلم قارارمغه باشلادی ، اوملعون عربی کوره جکم ده  
مطلق اونک ایچوندر !

خنزیر فلاح ! . . . اولومدن قورقونج ، ماتمدن سیاه چهره سی  
طبق ناموس سزلق رنکسند . . . .

مهردل ، ایچری کیرر .

کلیور افندیجکم .

بهره ور

قهر اوله یدی ده کلیه یدی ! ..

مهردل ، کال تمجلاه .

بهره‌ور

قارشمه دایه ، کیت . . . سن ایشکه کیت !

مهردل

بن کبره ایدم ده سزی بوحالده کورمیه یدم . . .

[ مهردل آغلایه رق چیقار . ]

بهره‌ور

زوالمی قادین ! مکر کر چکدن بی سون بام ، خاله م ، مهردل ایمش .

اوف ! خسرو ده سویور . . . بن ، بن ده آنی سویورم . . . .

یار بی ، ایکیمزی ده طاشدن یاراده یدک نه اولوردی ؟ بن ایکی اوچ

کون ایچنده طوپراق اولوردم ، اوده طوپراق اولوردی ،

اولدکدن صکره اولسون بر بر مزه بکیزردک ! بریا تاقده یاتامیه جغز ،

بلکه بر مزاردده یاتارز . . . هایدی بر مزارددهده یاتمیه لم ، اللهک

عدالتی روحمزی ده بر پرده بولندیرمیه جق دکلدر یا ، . . . بز

نه عشیان ایتدک ؟

اخشید ، ایجری کیره رک

قولکنزی امر بیورم مشکیز !

بهره‌ور ، نهایت درجه ده هضم نفسه چالیشه رق .

لالا ، براز بورایه کلیر میسک . . . . شمدی سکا برشی

سویلسه م اینتامازسک . . . .

اخشید ، متعجانه .

قولکنز ؟

بهره‌ور

اوت ، اینانمازسك : مكر بن خسروی هیچ سومزمشم .  
 اما ذره قدر سومزمشم . . . کوردیکم کیجهدن بری دنیاده ان  
 بیوك دشمنم اولدی . . . ندیمك بن بر شاه قزی اوله‌جده بر  
 اوشاغه واریم ؛ شمدی آ کلا یورم : بونلرك هپسنه نورجهانك ،  
 اوخالهم اوله‌جق قادینك بكا اولان عداوتی سبب اولدی . احتمال‌که  
 خسرو حقنده محبت ظن ایتدیکم آرزوینی ده خالهم تولید ایتمشدر .  
 خسروی سردار ایتدیرن اودکلی ؛ بر غلبه‌سنی بر جهانگیرك  
 قدر کوسترنینه اودکلی ؛ نهایت نه یاپدیسه یاپدی ، خسرو ایله  
 نکاحزك عقدی ایچون شاه بابای ده اقناع ایتدی . بونلرك نه  
 مقصدله ترتیب ایدلیدیکنی شمدی آ کلا یورم اما . . . ایش ایشدن  
 کچدی . . . بن نور جهانك انتخاب کرده‌می اولان براوشاق  
 یارچه‌سیله یاشایه‌مام لالا ! بن خسروك اولمایه‌جغم .

اخشید

اراده سزك . . . . ( کندی کندینه ) هوس خاتم افندی  
 بویا ! . . . .

بهره‌ور ، نهایت درجه‌ده تضییق نفس ایله یازی  
 بیم بیاض کسيلمش اولدینی حانده .

لالا ! سن بنی کرچکدن سورمیسک ؛ بيم عنادیه ، آرزومه  
 خدمت ایتمک الکنن کلیرمی ؛ اگر کلیرسه سویله . هر امریه  
 کور کورینه اطاعت ایدرسهك تا خالهمك فساد ندن ، فته‌لرندن

قورتياوب ده شاه پدرم قدر بيوك بر شاهك اوغلنه وارنجيه  
قدر بهرهور سنكدر امين اول !

اخشيد ، بتون بتون مغلوب ومطمئن بر حاله .  
امر ايدك ، بيك جانم اولسه يولكزه فدا ايدرم !

بهرهور

خسروك . . . هاني او حريفك وجودى آره دن قالمالى  
سندن امداد ايستم . . . .

اخشيد

ياريم ساعته قدر خنچرلرم !

بهرهور ، كندى كندينه .

ماعون جلاد ! ( جهرآ ) اولماز لالا ، اولماز صكره خالهم  
آرده دنيانك لقرديسى پيدا ايدر . امين يولدن كيدلم . . .  
سن بكا براز زهر بوله بيليرميسك ؟ بو كيجه اوخنيزى آخرته  
كوندرهم .

اخشيد

او زمانده بر چوق لقرديار چيقار سلطالم .

بهرهور

نه لقرديسى چيجه بيله جك ؟ بهرهور بانونك اوقدر سوديكي  
بايلىدى خسروى زهرلديكنه كيم احتمال ويره بيلير ؟ ايجه تفكر  
ايت 'لالا . . . . سن الكدن كلير ايسه بكا براز زهر كتير .  
بن ينه دوشونوزم ، عجله يده لزوم يوق : بو كيجه اولمازسه  
بر قاچ كيجه صكره او بابامك تخته رقيب اولان ، قليجنى



الندن دوشورن اوشاق اوغلنی مزارینه قاوشدیرر. سلطان  
یا تاغناک رایحه سینه طویمه مادن قاره طوپراغه کییر . . . . .  
بو بویله اولمالیدر.

اخشید

زهر بولوق کوچ بر ایش دکل فقط . . . . .

بهره ور

فقط فلان لازم دکل ، هایدی ! بو قدر درایتکله رأیك  
اصابتی حالا تصدیق ایده میورمیسک ؟ . . . کیت ، کیت ده  
بکا بر آدم اولدیره جک قدر اولسون زهر کتیر !

اخشید ، حیران و متردد بر حالده .

قولکیزک یانمده احتیاطاً هرشی بولنور ، زهرده وار افزده .

بهره ور ، متحکمانه .

ویر شو زهری بکا ! سنده کیت ، دایه می کوندر .

اخشید ، قویندن اوافق بر شیشه چیقاروب بهره وره

ویردکن صکره مترددانه بر طرز ایله .

ایجه دقت بیوریکیز ، انسانک الیه بیله طوقونسه . . . . .

بهره ور ، متبسم .

دقت ایدرم ، دقت ایدرم ، سن قورقه 'الاجنه !

[ اخشید چیقار . ]

~~~~~

دردنجی مجلس

بهره ور ، یالکز . الله کی زهر شیشه سنه
باقه رق.

خنزیر فلاح ! حاضر لادینی زهرده کندی کی انسانک الله
طوقونسه هالاک ایدرمش زرده کندی کی اوله جق ؛
زهر وجود تلف ایدر ، او جان یاقیور ، ناموس هالاک ایدیور !
بو زهر انسانک الله طوقونسه تلف ایدرمش ، نیم معده مه
کیره جک ! کیم بیلیر هر طمله سی بکا قاج بیک کره اولوم اذیتی
چکدیره جک ؛ کیم بیلیر جتهنم عذابنه دنیاده نه قدر زمان تحمل
ایده جکم ؛ فقط ایسترسه ثانیه ده بر اولوم کیره یم ، ایسترسه
جکرلرم پارچه پارچه اولسون ؛ ینه بو زهری ایچه جکم
ایچه جکم ! بن بو حال ایله خسروک یوزینه نصل باقارم ؛ هاله
قویننه نصل کیره رم ؛ عضمت یتاغی قالمایان بر قیز ایچون وصلت
قوجاغی حرامدر . بن خسرومک اوله مدقدن صکره دنیاده
نیچون یاشایه جغم ؛ خسرودن آری یاشادقجه آله جغم نفسلرک
هانکیسی زهردن تأثیرسز اولور ؛ (شیشه یی دوداغنه کوتوردکن
صکره یره آتارک) یوق ، یوق . . . هیچ انسان زهر ایچرمی ؛ هیچ
جکرلر یاقه جق بر آتشی ایله آلیرده جان اوینه دوکرمی ؛
بو یاشده بو کنج لکده دنیانک راحتتی ، عمرک لذتی خسرومک
قوجاغی بر اقوبده قاره طوپراقلر آلتنده ؛ ییلانلر ، عقربلر
یاننده ییانه جغم ؛ آه . . . ایسته م ، ایسته م : بن بو زهری

ایچمیه جکم ؛ بن کلینک دوشکمی اولوم یتاغی ایتیه جکم ؛ (شندله ،
 آغلايه آغلايه بر مارفه ییقله رق) اولوم یتاغی ایتیه جکسک ده
 او کلینک یتاغنه نه یوزله کیره جکسک یچاره ؛ .. بر قوقش عربدن
 آرته قالدقن صکره خسروک قویندنه نصل یاته جقسک بختدیز ؛
 (یردن قانوب شیشه ده کی زهری بردن بره ایچدکن صکره)
 آه یتدی ؛ قضا قایچی قلبمه طوقندی . . . اولوم هر درو
 دهشتیه کوزمک اوکنده طولاشیور . (آجی آجی کوله رک)
 دکل ، اولوم ده او ماعون جهنم کوتوکی قدر قورقنچ دکل ...
 تحف شی : زهر ایچدم کویکه بر فرح کلدی ! اذیتی ده یوق ...
 آجیسی ده یوق . . . اولومک عذاب یالکیز بو ایسه حیاتک ال
 کوچوک بلاسندن بیاه اهون کورینور .

بشنجی مجلس

بهره ور — مهردل

—

بهره ور

دادی ، بورایه کل ! بن وجودمده بر فنا خسته لق حس
 ایدیورم ، غالبا آخرته کیده جکم ؛

مهردل

الله کوستر مسون .

بهره ور

زوزكلك لازم دكل ! كيت بكا بابامی ، خاله می ، برده
خسرومی ، اویولنه اولدیکم خسرومی چاغیر . . . شیمدی
کلسینار . . . سن ده یامدن آیرلما ! . . . ها . . . اونا موس جلا دی ،
اوجانلر زهرله ییجی ملعون فلاحی ده چاغیر . . . اونا توتما صاقین !
[مهردل چیقار .]

آلتنجی مجلس

بهره ور ، یالکز .

بن سکا اوکره دیرم عرب ، طوز اكمك خانی ملعون !
دنیا ده اوکره ده من ایسه م آخرته اوکره دیرم . ظالم ! بنم کبی
دنیا سنه دویمامش برچو جقدن نه ایستر ایدک ، قودورمش خنزیر ،
دنیا ده کیمسه بی بوله مادک ده بنی می کندیکه مناسب کوردک ؟ اوف !
بوزهر . . . آمان وجودیمک هر طرفه آتشار یاییلیور . . .
آمان بوزهر دکل ، علو ! . . . ایچمده یاقمادق بریر بر اقمادی . نفس
آلدقجه آغزمدن قغلاجم دو کیلیور . صانیورم . . . آمان . . . بر قاج
طمه صویک دمیردن دیشلریمی وار ؟ آه قوبارییور ، قلبمک هر
پارچه سنی آیری آیری قوبارییور . . . آمان اوله جکم . . . آه
کاشکی اوله بیلسه م ده بوبلاری چکمه سم . جکرم باره لنیور . آمان . . .

یدنجی مجلس

بهره‌ور — خسرو — نور جهان — شاه — صکره ،
مهردل — دعا صکره ، اخشید

—

خسرو ، تلاش ایله اوطه‌یه کیرر .
نه اولدیکنز او فریادلر نه ؟

بهره‌ور

کل کل ، افندم کل !

شاه ، نور جهان ایله برابر اوطه‌یه کیره‌رک .
نه اولدک ایکی کوزم قزم !

بهره‌ور ، خسروله افردینه دوام ایدرک .

کل ایکی کوزم ، اللریکی ، او کوزل اللریکی قلبمک اوزرینه
قو ! بلکه براز راحت ایدرم آمان . . . کو کله ییلدیرملر
دوشویور ، جکریمی اژدره‌لر کیریور ! . . . [مهردل ایله برابر
اخشید قیودن کیرر ، بهره‌ور همان برندن فرلایه‌رق اخشیدی یاقه‌سندن
طوتار ، زهر ایله دیزی اوزرینه جوکر دیر .] سویله باقه‌لم ملعون
فلاح ! . . . شمدی دیکلیکنز . . . سبب وجودم بلاجف ،
ولی نعمتم خاله‌جف ، افندم خسروم ، حقیقتی دایه‌جف . . . هپکنز
دیکله‌یک . . . یارین حضور بازیده سویله جکم افردیلمی سندن
نچون صاقلا‌یه‌یم . . . دیکله‌یک ، دیکله‌یک ده حاله آغلا‌یک !
بوفلاح ، بوسرک خادم ظن ایتدیککنز ملعون . . . آمان ،

بو يوركمك آجيسى ده انسانه لقردى سويلتمكه ميدان ويرمز كه . .
كل خسرو كل اوله جكم . . . يانمن آيرلسا . . . باري اولديكم
زمان سنك قوجاغنه دوشهيم . . . [خسرو ياننه كلدكن صكره
كندني براز طويله بيلير .] ايسته . . . بو ماعون فلاح ! بني
عرضمن محرم ايتدى ، بني خسرومه لايق اولمقن دوشوردى ...
بكا زهر ويردى . . . ايچدم ، اوليورم . . .

اخشيد ، [برندن قالمغه چالده رق .]

نه سويليور سكز افندم ؟ بنده كزى ؟ . .

بهره ور ، كال شدته لقردينى كسرهك .

خنزير ، انكارده ايديور آخرته ده انكار ايتمهك ،
ايتديكي ماعونلنى الپندن ده صاقلامغه چالشر ! (كتدجه لقردينى
زياده شديرهك .) بكا مسلط اولان سن دكلى ايدك ، كوپك ؟
بكا زهر شيشه سنى كندى الكله وپرمدمكى ، جلاد ؟ يوزيمه باقده
ينه انكار ايت ، باقهيم ! (اخشيك برندن قالمغه چالديغنى كورهك
ويومروقله اوموزينه اوره رق .) اوطور اوراده . . . او جلاد
اوكنه كلهسى زينك اكريلسون . . .

اخشيد ، بهره وره .

اوريكز افندم ، نه ايستر ايسه كز انى ياپكز . . . (عمومه)
چوجوقده حما صايقلاماسى وار . . .

بهره ور

ماعون ! ده يالان سويلكدن اوصانيمه جقميسك ؟ بن
اوليورم . . . عزرائيل باشى او حمزده طولاشيور ! سن اللهك

غضبندن قورقمازميسك؟ خسروم ! ايكي كوزم خسروم ! بو...
 بوكوپك بنى سندن محروم ايتدى . صكره ده والله اليه
 زهر وىردى ، هم سنى زهرلك ايجون وىردى . . . آه ينه
 كوزلم قاراييور ينه دنيا ملعونك چهرهسى كې كورونمكه
 باشلادى . (اخشيدك باقه سنى الدن برافه رق) خسرو ! يانمه
 كل . . . اوليورم . . . بندن مى قاچيورسك آه خسرو . .
 خنزير عرب . . . ملعون فلاح . . . بكا زهرى سن وىرمدكمى؟
 باغينلغمد سياه يىلانلر كې مسلط اولمادكمى ؟ حالا
 سويليور ! حالا خسرومك طمرلرنده كى قانده قايناميور
 والله اوليورم ، خسرو آكلاميورميسك ؟ آمان جكرم
 پاره لنيور ! آه كيمك ديشارى يوره كه ساپلاندى ...
 مطلق مطلق . . . بو عربك . . . ديشارى طبقي شو قره
 شيشه نك ايجنده كى بياض زهر كې . . .

اخشيد

افندم ، احسان بيورك

مهردل ، اويقودن اويانير كې

بر حال ايله طورانه رق .

والله نه سويلارسه يالان بالله قزم طوغرى سويليور ،

بو ملعون فلاح قره برشى ياپدى !

شاه

دايه نه سويليورسك ؟

خسرو

احسان بیور پادشاهم . بن مسئلہ بی آ کلارم . (اخشیدہ)
سویلہ فلاح ، سویلہ خنزیر !

اخشید

میرزا ، بن سزہ نہ یایدم ؟

خسرو

صوص کوپک ، بکا لقردی نی طوغری سویلہ ، شمدی سنی
کبردیرم

اخشید

چکل اورادن میرزا

بہرہ ور

خسرو ، . خسروم . . بنم انتقامی آل ، اولیورم
آجیازمیسک ؟

خسرو ، کمال شدتلہ عربی خجزلیہ رک .

طوغری سویلہ ملعون !!

مہر دل

اللہ الیرینی باغشلاسون !

اخشید ، بیتاب یقیلہ رق .

میرزا بدن نہ ایسترسک ؟

بہرہ ور ، اولوم حالده .

باق !! خسرو . . باقک ، سزده باقک : برقچ کرہ

خنچر ییورده برشی سویلیہ بیلورمی ؟

خسرو ، اخشیده برخنچر دها اورارق .

سویله ملعون ! آل . . . ! آل . . . ! باری قلبکه
برقاج یاره آچهمده سویله جککی او آغزلردن ایشیده !

بهره‌ور

خسرو بن کیتدم ، . . . بن بتون بتون تلف اولدم آه ! ..
یانمه کل ! . . . براق . . . براق . . . او ملعونی ده بکا کل ...
[شاه ، نور جهان ، مهردل بهره‌ورک یانته قوشارلر .]
خسرو ، کال تهورله .

کوردکی فلاح ! . . . کوردکی خنزیر ؟ . . . سویله باقمیم !
آل بردها ! آل ! ! .

اخشید ، یاره لردن قالقمیه جق برحالده .
نه دیه جکک ؟ ایشته بن مقصوده نائل اولدم . . . ایشته
بهره‌ور ، ایشته او سنک یولنه اولدیکک بهره‌ور بخدر ! . . .

بهره‌ور

آه . . . سویلدی . . . حقیقت حالی سویلدی ! . . .
[بر شدتی فریاد ایله تسلیم روح ایدر .]

خسرو

صوص کوپک ، دها کبرمدک او یله می ؟ خنزیرک قلبی زرده
اولدینی بیلنمزکه . . . ها بولدم ، ایشته بوراده . . . بوراده
دکلی ؟ دها کبرمدکی ؟ آل برده باشکه ، آل به ده ینکه !
ها تمام شمعی بتون بتون کبردی . . . آه کبردی ده جانی
بهره‌وره می کیتدی ؟ بهره‌ور . . . بهره‌ور . . .

نورجهان

چوجق فنا حاله ياتيور . . . امان ميرزا حكيم!

خسرو

حكيم مې ؟ دنيا ده اولو ديرلده جك حكيم مې اولور ؟

مهردل ، آغلايه رقي .

ان شاء الله چوجقده برشي يوقدر .

نورجهان ، حايقيردرق .

بر حكيم . . . شاه افندمن باييليور !

خسرو ، بهروره رك جنازه سي اوزرينه ييقيله رقي

وخچري كوكسنه طايه رقي .

ايشته حكيم ! همده عزرائيلدن حاذق كل بورايه

بهره ور ! مزاره . . . مزاره . . . برابر كيده لم . . . آه ، بر

مصيبتخانه دن قولايقله چيقلمزكه . . . بهره ور ! الله

ايشته كلدم ، بهره ورجكم . . . ياناغكه ، قوينكه كلدم !

وجودمن يان يانه ياتيور روحم . . . روحم كيم

بيلبر نرلرده كزه جك بهره ور !

[تسليم روح ايدر :]

نورجهان ، آغلايه آغلايه .

ان شاء الله ، جنت اعلا ده ! (دايه يه) مهردل مهردل ! . .

اوده باييلمش ! . انسان فصل باييلماز يا ! . . . قرده شم ! شاهم ؟

ولي نعمتم ! باري سز براز عقل كنزي باشكزه طويلايكنز .

شاه ، اويتودن اويانير كي .

نهدر قرده شم ؟

نورجهان ، بهره ورله خسروك اولولريني كوستره رك .

شو ايكي يچاره يي بريره كوموبده طوپراقلريني اولسون

بربرندن آيرماغه الله ايله عهد ايدر ميسك ؟

شاه ، شاشقين شاشقين .

نه سويلر ايسهك بايمغه اللهله عهد ايدرم !

نورجهان

مهردل ! .. مهردل ! ..

مهردل ، ممكن اولدني قدر كنديني طويلايه رق .

افندم !

نورجهان ، فوق العاده برلسان حدتله .

قالق اورادن ! (اخشیدی كوستره رك) شو كويكي كوردكي ؟

شو عرب ماعوتی ! اونك مردار لاشه سنی بورادن قالديرسونار ،

وجوديني پارچه پارچه كوپكلره طاغتسونار ! كيت شمدي

امريمي اجرا ايت ! (مهردل محزون محزون چيقار) بنده بوندن

صكره بهره ورله خسرو تربه دار اوله جغم . (آغلایه آغلایه بهرورك

اوزربه قبانهرق) قزم ، بنم مظلوم قزم ! .. بنم يچاره جگر

پاره جكم !

شاه ، هنوز عقلنی باشنه طويلايه

بيلمش بر حالده .

اپواه !

نورجهان

برادر سن الله ايله ايتديكك عهدى دوشون ! برده عمرك
اولدقجه اونوتماكه بر كوزيكك بىكى قزك ، بر مملكتك فاتحى
اولان وزيرك ؛ بر يالانجى عربك حيلهسيلاه تنف اولدى !

[برده قيانير]

ختم



کتابخانه

ایکینجی ترتیب

اسامی آثار

برنجی ترتیب

جلددر ۷

کتابدر ۱۲

اسامی	غروش	اسامی
جلد جزؤ	۳	[۱] رونان مدافعه نامه سی . . .
[۱] عثمانی تاریخی ۵ ۲۵	۵	[۲] قاره بلا
[۲] تاریخ اسلام ۲ ۱۰	۲۰	[۳] مقالات سیاسی و ادبیہ و رؤیا
[۳] آثار پراکنده . .	۱۰	[۴] وطن، کلنوال، عاکف، زواللی } جوجق
هر جزؤك فیثائی (۳) غروشدر	۲۵	[۵] اشعار کمال
	۱۲	[۶] جلال الدین خوارزم شاه . . .
برنجی ترتیب } کتاب کتاب اوله رق	۲۰	[۷] مکاتیب خصوصیه دن برنجی جلد
هر ایکی آیده بر .	۷,۵	[۸] اوراق پریشان مجموعه سی .
جزؤ جزؤ اوله رق هر	۲۰	[۹] منتخبات محررات رسمیه . .
ایکینجی ترتیب } اون بش کونده برنشر	۷,۵	[۱۰] جزئی و انتباه
اولنه جقدرد .	۲۰	[۱۱] مکاتیب خصوصیه دن ایکینجی جلد
ایکی ترتیب ده برابر اوله رق صره سیله	۵	[۱۲] تعقیب و تخرب خرابات . . .
منتظماً طبع و نشر اولنور .		رساله لری و سائرہ . . .

ابونه شرائطی

مقسطاً تأدیه ایدلک شرطیله ابونه
شرائطی

غروش ۲۱۶
ازرل اداره خانه دن آلفق و پشین اوله رق یارم
و متعاقباً هر اوج آیده بر یاریمشر لیرا تأدیه
ایدلک شرطیله .
۲۴۰ پوسته اجر شدن طولانی تقسیملر ۶۰ غروش
اوله رق پشین ۳ مجیدیه و هر اوج آیده ۳ مجیدیه
و برلک شرطیله اقامتگاهه کوندرلک اوزره .

یکونی پشین اوله رق تأدیه ایدلک
اوزره ابونه شرائطی :

غروش ۲۰۰
اداره خانه دن آلفق شرطیله .
۲۲۵ درسعات و ولایات و ممالک اجنبیه ایچون
پوسته اجر قیده داخل اوله رق اقامتگاهه
کوندلک شرطیله .

بو کتابک فیثائی (۵) خر ندر

PL
248
K45K6
1908